





原件短缺

缺卷189~194
《平泰元年2~7月》

大明英宗睿皇帝實錄

廢帝邸戾王附錄

景泰元年八月壬申朔

太上皇帝在迤北

勅總督軍務兵部尚書侯璉等得雲南總兵官黔國
公沐斌奏水西等處頭目阿忽阿堆阿五阿体加
納阿遣六家所管人民俱係夷羅性習獷戾少知
禮法先因被害聚衆為惡事非由已今已出官陳
訴歸化要乞曲垂寬宥特從所請
勅至爾等即撫拘阿忽等各頭目到官宣布

朝廷恩威諭以禍福安其反側咸與自新仍令招撫
所管夷民各安生業照舊居住不許仍前聽誘為
非自貽後悔如遇蠻賊未靖仍令協同官軍勦捕
以除邊患有功一體陞賞
勅諭四川董卜韓胡宣慰司宣慰使克羅俄堅朶尔
等每歲遣人遠來進貢誠意可嘉但所遣番僧中
間多有強悍不循禮法或起程回還多索船馬辱
罵官司或沿途多買物貨一槩詐稱
欵給之物逼要有司起倩軍夫運送所過擾害不可
勝言此皆已往不究今後有進貢來京務須選差

謹厚僧徒嚴加戒諭令其遵守禮法不許仍前放
肆擾害官府虐害軍民有失敬奉

朝廷之禮特諭尔等知之爾其如

勅奉行
景昂御用監寫字序班嚴璟于信俱為中書舍人
都察院副都御史馬昂初在甘肅恭贊軍務稱
有疾遣官代還京至是乞還京調治遂命致仕
先是建臣以操備畢大集京師請博節糧儲以足
軍餉并移文南京戶部會官計議一體減省以紓
簡民力至是南京戶部具應減事宜以

聞一南京五府六部等衙門堂上官一品月減米四石二品月減米三石三品月減米二石四品月減米一石俱給折色俟邊務寧息仍舊支米

一南京錦衣衛等駕使快船正軍既_已月支米一石及遇差遣又支行糧四斗實為冗費今後正軍出差_{不與}行糧江淮濟川二衛水夫并准此例

一南京各衛屯田之設本欲種納子粒供給軍士比因征操運糧差占數多屯田廢弛今議每年自十月至明年三月赴操月支糧五斗四月至九月仍舊屯種不支月糧比較子粒其運糧者既支行

糧月糧亦任支

一南京光祿寺太常寺廚役共一千餘名每名月支米一石虛費甚多今議有家小者月支六斗無家小者月支米四斗悉從之

通渭王範墅奏臣兄平利王範壑臨終語臣曰吾身後之事賴弟為之言畢而逝且兄未逝時問卜求醫殆無虛日向者給賜器皿銀盆水灌等物費用已盡今停柩在地應用送喪之具俱無從出况所遺妃眷人等度日如年艱難尤甚伏望憫其無後恤其遺室俾生有所需死有所藏詔禮部於常

例外增贖布絹一百疋戶部歲給米二百石
總兵官保定伯梁瑤奏苗賊搶掠辰州淑浦縣及
沅州等處臣會同內使龔榮恭贊軍務給事中劉
清議調左叅將王斌等帥官軍剿殺清復率指
揮王冕等策應遇賊二千五百餘人官軍奮力齊
進遂敗賊衆擒賊首潘通良等十七人斬首餘級
是日虜酋也先伯顏帖木兒宴餞都御史楊善
等
癸酉
南京光祿寺奏五月間大水朝陽門外養牲房皆

壞乞令南京工部修理從之 是日

太上皇帝駕將啟行虜酋也先為土臺設座於上率
衆拜辭進良馬貂鼠皮其妻妾亦未拜辭也先復
衆尊送

車駕行約半日程也先下馬叩頭跪解所帶弓箭撤
袋戰裙以進與衆酋羅拜伏地慟哭而去

甲午 萬壽聖節免文武百官行賀禮 朝鮮國王李珣遣

陪臣鄭發等奉表未朝貢馬及方物賜宴并賜綵
幣表裏等物有差仍命發賚綵幣表裏歸賜珣

陞吳信為指揮使南京錦衣衛帶俸 陞直隸順
德府平鄉縣知縣丘陵為真定府知府陵任滿九
載巡撫右少卿李奎奏陵持身廉介蒞政公勤乞
加旌擢遂陞用之 潘王佶燁奏臣弟沁源王佶
焯薨逝妃眷子女衆多祿米乞如舊撥賜養贍從
之 有黑雲如山頃刻散漫數段形如龍虎夜有雲氣
形如麋鹿驚奔俱南行乃散

丙子

命戶部右侍郎劉中敷署掌本部事以尚書金澹惠

病也

命南京工部造手把銅鏡一萬給萬操操演 給三

千營官軍盔三千頂甲一千五百副腰刀三千把
長鎗七千餘根弓一千八百張箭五萬枝弦二千
條弓箭袋三千副 直隸安慶廬州二府各奏所
屬六百丈及土橋巡檢司洪武永樂間設弓兵百
人歲辦蘆柴并折色鈔不下千百計今弓兵已減
其半蘆柴折鈔宜量減以便民從之

山西大同府大同縣雲中驛奏本驛遞傳馬驢俱
驛夫自備芻豆飼之近被達賊出沒不時各夫多

驚竄山林及有被搶擄者芻豆無從供辦其在驛者亦饑窘乏食有悞傳遞乞命大同府倉場逐月支與見在各夫口糧仍給馬驢芻豆候事寧照舊令其自備從之 楚府大治王季垵薨王楚莊弟四子母李氏宣德四年生正統九年受封至是薨年二十二訃聞 帝輟視一日謚悼僖遣官賜祭有司營葬

夜有流星大如碗色赤光明燭地出室宿東南行至雲中四小星隨之

丁丑

大釋奠先師孔子遣國子監祭酒蕭鎡行禮

大安塞王秩炁奏臣原撥祿米一千石先因人少米

帝欽中半蕪支即今人漸增多食用不敷乞如諸兄

例全支本色詔以邊境艱難仍如其舊

雲南總兵官黔國公沐斌奏水西革勒寨頭目阿忽等所統人民素性頑獷先因激變為非今已去逆效順其田地未及耕種者乞量免其稅并令貴州都布按三司巡按監察御史嚴加禁約有司軍民不許舉放錢債倍取利息復致激變庶使其永遠向化邊境寧靖從之

貴州都指揮同知張銳等奏普定興隆等衛去年
被苗賊將各處屯堡倉廩種子房室屋宇牛錢糧
焚劫一空乞除免屯糧餘糧事下戶部請移文勘
實蠲免役之一夜月犯房宿南第二星有流星大
如杯色青白光明燭地出閣道北行至太子旁尾
跡炸散六官職國公衣冠七西華陳泰八自國
戊寅九本邑器八十並奏果十一其書

帝祭

太社

太稷

朝鮮國王李珣遣陪臣李堅期等奉表來朝

貢馬及方物賜宴并賜綵幣表裏紗絹等物有差
仍命堅期賫綵幣表裏歸賜王一陞翰林院修撰

周旋為本院侍讀以任滿九載也一陞江西左叅

議夏時為廣西布政司左布政使監察御史曹祥

為福建按察司副使劉克彥為浙江僉事主事劉

錯為陝西僉事王宏為雲南僉事寺正徐善為廣

西僉事復除山東左叅政董和於湖廣布政司以

親喪服闋也一陞僉事年直生二其初陞三親

調山西按察司副使彭玘於湖廣按察司奉

勅往廣西總兵官都督僉事田真處整理軍機文書

賞偏頭關指揮張瑛并官軍人等一百一十
布絹有差以長林大溝等處斬獲遼賊功也

湖廣署都指揮僉事畢通坐苗賊焚掠新寧縣治
命巡按御史取死罪狀立功贖罪通不即引伏輒飾
詞奏免都察院劾通欺罔不忠請下巡按御史究
治從之

築陝西開城縣城以其臨邊也
山西都司令史賈斌奏臣聞設詔求諫以成天下
之熙皞止輦受言能致海內之乂安邇言雖俗亦
有可採昔漢桓帝不任賢臣而權歸宦官唐文宗
忽於良佐而受制家奴至若宋之徽欽從虜北行

者蓋由小人道長而閹寺當權之所致此前王之
覆轍而後世人君當夙夜祗懼不可襲其跡而蹈
之也我國家

列聖相傳寰宇寧謐幾百年矣比者胡寇犯邊未聞
有一人敢奮勇督衆以迎擊之也

上皇被留虜庭未聞有一人能致身致命以翼蔽之
也昔璩讓能報智伯之仇王孫賈能雪湣王之恥
顏杲卿罵祿山為羯奴李若水詆金人為狗彘是
皆各為其主也昨之群臣信無一人能捐生以赴
之手恭惟

皇上肇登寶位表正天倫宜閱唐太宗之三鑒既司
馬光之五規舉直錯枉親賢賞功進諫者溫言以
接之阿諛者厲色以斥之端其本而澄其源慎其
始而慮其終則天下不臻於太平未之信也臣雖
側陋亦嘗讀書近於史傳所紀歷代人臣能直諫
能盡忠能守節之士與夫累朝恃寵之宦官撮其
尤者錄成一編分爲四卷名曰忠義集以進伏望
萬機之暇少垂

聖覽或有可取命工刊布俾文武臣僚亦不得偷縱
其奸宄之私禮部以其言有理乞鑒納其所編忠

義集不必刊行從之 是日虜賊入遼東境搃兵
官左都督曹義都指揮王祥耿和等帥軍追至連
州賊千餘人分三處各占山頭以拒官軍義等奮
勇徐進斬首七級生擒四人獲馬十三匹賊遂奔
散出境遺棄所虜男婦一千七百五十餘名頭畜
稱是左叅將胡源亦帥軍追至鷹湖連戰敗之生
擒三人斬首三級追奪所掠男婦十九名
已卯

命翰林院侍講學士劉鉉侍講陳文為順天府鄉試
考官賜宴於本府 賜故清平伯吳英子璽歲祿

之半以璽尚幼也 廣東三司以所擒獲賊首黃
蕭養父偽稱大王恭網等三十三名并軍器等物
來獻詔磔恭網等梟于市 給五軍營官軍騎操
馬二千匹 謫直隸淮安府知府程宗成遼東坐
擅集民船六十餘艘為太監金英家奴李慶等載
貨且事後受其紆絲等賂也

庚辰

勅禮部具迎接朝見

太上皇帝儀注兵部及營把提兵官嚴整軍馬防備
不虞太子太傅禮部尚書胡濙言宜令本部遣堂

上官一人至龍虎臺錦衣衛遣指揮二人并官校
執丹陛駕輦轎至居庸關各衙門分官至土城外
提兵等官至教場門迎接行禮

太上皇帝車駕自安定門入進東安門於東上北門
南西坐

皇帝出見畢文武百官朝見行五拜三叩頭禮
太上皇帝自東上南門入南城大內詔從之

命禮部左侍郎儲懋至龍虎臺錦衣衛指揮僉事宗
鐸領騎馬至居庸關劉敬領丹陛駕至安定門內
仍命安遠侯柳溥率領馬步官軍沿途迎接溥請

給神銃毛馬響鈴等件不許遣太常寺少卿許彬往宣府奉迎

太上皇帝戶科給事中劉福等言今用轎一乘馬二匹冊陞駕於安定門內迎接

太上皇帝禮儀似乎太薄

帝曰

太上皇帝是朕至親自留虜廷宗社傾危生靈無主彼是群臣進章請命於

皇太后詔告天下立朕為皇帝保護宗社辭之再三不得已嗣登大位已尊

大兄為太上皇帝禮之至極無以加矣今福等言所奉太薄未知其意如何禮部其會官詳福所言以聞太子太傅禮部尚書胡濙等奏福所言無非款皇上篤親親之義乃臣子盡忠之道也初無別意

帝曰昨有虜營遁歸之人得

太上皇帝書言也先送朕回京迎接之禮宜從簡朕遵行之豈敢故違遣官祭宋丞相文天祥

提督守備居庸關右僉都御史王竑有疾命醫往療之夜月犯南斗魁

辛巳

命兵部武選司署郎中事主事王與實授本司郎中
戶部湖廣司署員外郎事主事史儀實授本司員
外郎陞正五品俸俱以任滿九載也以禮部精膳
司主事楊瑛署主客司員外郎事刑部湖廣司主
事鄭序署河南司員外郎事
少保兼兵部尚書于謙奏今大同宣府地方賊寇
稍退道路頗通然所在城池糧儲缺少若不早為
區畫恐虜情奸詐卒有緩急軍餉何所接濟乞
勅山西都布按三司并管糧鎮守等官公同計議將
所屬應運大同糧草及附近山西大盈等倉糧運

大同各城收貯備用其宣府糧儲令戶部設法催
運及勅提兵官朱謙議或將龍等處遺糧運宣府
各城或在庫銀兩及時糴買仍依臣原奏量減
各商中鹽米數以廣儲蓄此外別有可以儲積糧
草長策聽各官區畫奏請事下戶部議以二處中
鹽米數宣府米豆價平不須減少惟大同納米豆
中淮浙等處鹽者每引減米豆一斗餘悉如謙言
從之

刑部重囚二十餘人謀反獄內二人以其謀自首
尚書俞士悅因奏廣東反賊黃蕭養自反獄起今

刑部重囚至一百六十餘人恐變出不測宜即會
官審決其自首二人既知畏法悔過宜量加寬恤
詔三法司官審決如律或情有可矜疑者仍具奏
請裁自首二人特免死發邊衛充軍於是日虜酋
也先遣得知院等領人馬護送

太上皇帝駕至野狐嶺得知院進馬叩頭哭辭而去
仍遣大頭目率五百騎送至京師行未數里忽有
五十餘騎追來乃平章昂克射得一獐未獻是夕
駐蹕于宣府右衛城外官廳

壬午

免陝西被災縣分夫匠冬季一番從右叅議張雲
翰奏請也

太醫院判陸子材以老疾乞致仕從

之尋以其子醫學訓科道源為御醫念其藩邸舊

勞也萬全都司都指揮僉事江山幼襲父職有

例俟年及二十始得試武藝理司事未幾山朦朧

以年及就試為中府吏所發刑部論以違制當贖

杖還職從之

是日宣府提兵官都督朱謙率其男承及部屬軍

馬迎
太上皇帝駕至宣府城外所設行殿

癸未

禮科給事中于恭等言今日早朝退有侯伯尚書

都御史等官石亨王直胡濙等於午門前持一帖

群立聚觀議論不一俱各散去將帖隱匿法當追

究

帝曰各官多係

祖宗舊臣如何隱匿事情王直胡濙即將實情具聞

直等奏帖實工部尚書兼翰林院學士高穀處接

來備載唐肅宗迎接上皇故事

帝曰朝廷大開言路高穀是大臣唐肅宗故事何不

明言必有異情濙等奏唐肅宗迎接上皇故事正

今日可效之良規

皇上宜備法駕至安定門外公侯駙馬伯五府六部

等衙門分官至龍虎臺文武百官至監生順天府

耆老生員人等至土城外迎接行禮凡此數者視

舊定禮儀加重

帝曰虜人譎詐未可盡信欲備大禮遠接恐墮賊計

故止用車馬遠迎但得

大先入城宗社奠安親親尊讓之禮朕自處置今

太上皇帝車駕入東安門朕於門內迎接行叩頭禮

畢朕同文武百官隨至南城內便殿
太上皇帝升殿朕行禮畢文武百官行禮卿等悉遵
朕命再不許紛更 是日

太上皇帝駐蹕宣府行殿少卿許彬未迎命寫罪已
勅諭文武群臣仍遣彬諭祭土木陣亡官軍

甲申

遣翰林院侍讀高輅往居庸關奉迎

太上皇帝 是日

太上皇帝命宣府提兵官都督朱謙設宴備絳段衣服賞隨駕達子那哈出等然後啓行 昏刻金星

犯亢宿

乙酉

命戶部郎中盧欽赴浙江督運京糧

山西民壯千百長姬英等十一人率所部九百餘
人戍代州途遇賊俱亡歸當杖、翁信鎮守右副
都御史羅通奏英等素不諳戰鬪中途卒與賊遇
宜其敗走請止杖一百免其充軍仍遣率諸民壯
詣信處聽調立功殺賊從之 先是湖廣五關清
浪偏橋等處苗賊生發調軍征剿糧儲不給巡撫
大理寺卿蔡錫奏乞輕減中鹽則例召商於清浪

等衛倉納米事下戶部議中雲南白鹽井鹽每引
納米一石二斗比原則減三斗安寧四川上流等
井鹽每引納米一石仙泉井鹽每引納米八斗比
原則減二斗從之一百石其是日

太上皇帝駕居庸關侍讀高輅來迎諭之曰卿為
祖宗社稷費心憂念朕幸得回京願退居閒處卿便

寫書與

皇帝知朕意并詔諭文武群臣至雙泉舖以所御素
綾衣及也先所獻戰裙賜袁彬以彬隨侍日久効

帝勞尤多也

兵部尚書侯璉卒璉字廷玉山西澤州人以永樂
癸卯解元登進士第授行人嘗使外番一毫不敢
取於人比還陞兵部主事以征虜功陞郎中未幾
協贊尚書王驥征麓川陞禮部右侍郎奉

勅鎮守雲南便宜行事再減麓林餘黨遷兵部左侍
郎即總督軍務久之上多其勞陞尚書至是卒屢受
賞賚沒之後

朝廷遣官祭墓命其子爵為錦衣衛世襲正千戶
夜或有星大如雞禪色赤尾跡有光起建星後二

小星隨之西南行至尾宿沒
丙戌帝駕還京
太上皇帝駕還京

帝迎見於東安門駕入南宮文武百官行朝禮見先
是也先遣達子勇壯者二十人送駕不離左右夜
則圍宿雖都御史楊善等不得近及至東上門揭
簾審視叩頭而退候入南宮然後出就館
大同
左叅將都督方善奏達子字羅帶馬三匹把關降
附
帝曰字羅情偽未可知然今正當懷柔夷狄之時兵

部審驗明白以聞所帶馬如價給之

太醫院院判張敬受諸處保送醫官賄輒試中之
事覺下法司敬自陳罪狀詔特釋之刑科都給事
中林聰等劾敬貪墨無恥難再錄用請罷黜為民
以戒方未不從
鎮守陝西右副都御史劉廣衡
先是奏都督同知張俊枉法索採卒賂歇其役盜
修城木以營私第請罪詔巡按御史鞠之至是奏
當贖斬還職詔送甘肅殺賊立功

丁亥

祭山川城隍等神
遣旗手衛官祭旗纛之神

監察御史羅澄言三事其一曰聖學程顥謂人主
之學惟當務為急蓋當務之急大義是已如大學
衍義一書上自六經子史下暨歷代傳紀喜言善
行國家興亡治亂之實人事得失善惡之鑒靡不
具載太祖高皇帝嘗命侍臣書之兩廡間日嘗首觀伏頌
皇土命儒臣日進講一二章則足以裨益聖學其二
曰法祖古人有言欲法堯舜惟法祖宗太祖高皇帝有曰朕即位有年未旦即臨朝晡時而
後還宮夜卧不能安席披衣而起或仰觀天象見

一星失次即為憂惕

太宗文皇帝有曰朕每四鼓以興衣冠靜坐是時神
清氣爽則思四方之事緩急之宜必得其當然後
令有司行之朝退未嘗輒入宮中門取四方奏牘
一一省觀伏願

皇上遵而行之以綱紀四方則足以盤石天下矣其
三曰敬天穀梁傳以為天下主者天也繼天者君
也

太祖高皇帝有曰天人一理必以類應君能修德則
七政順度雨暘應期災害不生不能脩德則三辰

失行旱潦不時災異迭見其應如嚮蓋人君所慎
者惟天而已伏願
皇上一誠敬以事天欽天道以修政則可克順天心
而萬福駢臻矣
帝嘉納之
兵科給事中黃仕雋言二事其一兩廣浙江盜賊
處處生發流劫東南地方在我須嚴隄備隄備之
地南京為重蓋南京

祖宗開基之地須鎮將得人而後契政可革威武振
揚而後奸宄消懼今豐城侯李賢雖曰簡靜然實懦

怯無補於事况南京政務悉弛豈簡靜者所能興
舉哉乞

勅兵部同總兵官石亨計議不拘內外推舉武臣一
員堪為鎮將者代賢還京或為賢之叅副佐其行
事其二各邊近來契出百端有軍吏占用餘軍一
二十名等而上之千百戶指揮以及鎮守總兵等
官占用軍餘辦納月糧不可枚舉軍士營求安逸
不肯操習又有守禦地方并各衛守備處相去寫
遠總兵巡撫巡按等官經年不至其地凡有冤抑
無所控訴以故上下解體軍士氣且消凡推舉在

京文武大臣二員往沿邊便宜從事務使弊革而利興士習而邊固若總兵鎮守叅贊等官不能稱職者奏請黜罰

帝曰南京埃王驥至今去總理事機各閑不必更用人但勅其用心邊備以圖成功

戊子陞雲南中衛指揮同知王政後衛指揮僉事安義俱為雲南都司署都指揮僉事政分守普定等衛義分守永寧等衛從總督軍務兵部尚書侯璉奏也無昏刻木星犯十二諸侯秦星

庚寅

大以

太上皇帝還京遣寧陽侯陳懋安遠侯柳溥駙馬都尉焦敬石璟祭告

天地

宗廟

社稷山川之神遂頒詔大赦天下詔曰朕奉

先帝聖體之遺適值國家中衰之運痛機務擅專於

權倖致

大元誤陷於虜庭賴

天地
祖宗眷祐之隆荷

母后臣民付託之重授朕大位俾紹鴻圖慰安人心
奉承

宗祀雖神器有可保柰王業以多難夷虜內侵蠻苗
外擾方茲攘除已定尚猶宵旰靡寧顧滅賊之難
威思以誠而懷怨肆屢遣人重齎其金帛投虜所
大好迎復

大兄柰頑梗而弗悛豈怨仇之可匿方圖大舉遽見
彰聞遂月以來遣其親信伏闕朝貢因請講和至

于再三悔見手辭款浮于過朕不得已為親而屈
厚加金帛選使偕行敢謂德可動

天自信誠能化暴八月十五日其太師也先果遣五
百餘騎奉送

大兄還京臣庶交懽宮庭胥慶然朕即位之初已嘗
祗告

天地

宗社上

大兄尊號曰

太上皇帝禮惟有隆而無替義當以卑而奉尊雖未

大 酬復怨之私姑少遂厚倫之願爰稱恩典溥及臣
民所有寬恤事宜條列于後

一 自景泰元年八月十九日昧爽以前官吏軍民
人等有犯謀反大逆子孫謀殺祖父母父母妻妾
殺夫奴婢殺主蠱毒饜魅毒藥謀故殺人強盜不
赦外其餘已發覺未發覺已結正未結正罪無大
小咸赦除之敢有以赦前事相告言者以其罪罪
之所司與受理者以違制論

一 順天直隸各府并山西布政司所屬人民艱難
多有拋棄耕業逃移各處趁食者所司即便取勘

設法招撫回還復業免其徭稅三年見在人民有
缺額者官為勸借區畫賑濟來歲春耕有缺牛具
種子亦與借置務令得所

一 順天并直隸各府及山西布政司所屬自正統
十四年九月初六日至景泰元年八月十九日止
凡一應倒死及被盜走失孳牧騎操等項馬駝驢
騾種馬馬駒等畜及拖欠一應納官物料悉與蠲
免

一 官軍先因犯死罪充軍後遇赦該降等用者悉
注原衛所操文武官員人等先因在大同威遠等

衛充軍立功哨瞭正統十四年八月內因守大同
城池遇蒙

太上皇帝宥免還職役者各送該部

一廣東福建浙江四川貴州等處苗蠻作耗已膏
調兵征剿除已搜殺及歸順外然聞尚有逃匿山
林不向化者詔書至日所在總兵鎮守三司御史
等官即便填寫差人賁捧詣賊逃匿之所宣布
朝廷威德若能悔過出官投順不限謀反常赦不原
之罪悉皆赦免所司好生撫恤安插令復原業有
不悛者聽大軍剿滅必俾無遺類

一官吏有犯曾經正統十四年九月初六日赦免
該還職役因有窒礙申訴未曾還職役者俱還職
役其原衙門已經銓撥者調別衙門用後不為例
今各處有司官有被上司考察起送赴部若有百
姓赴京保留或累曾訴冤枉者吏部悉與查理復
其原職有贖犯者不在此例
一文武官吏監生生員旗校軍民匠作人等有為
事問發見做工運糧等項者悉蠲其罪官吏人等
復還原役軍還原伍匠仍當匠民放寧家其各家
有犯贓罪者發還原籍為民

朝廷致治務在得賢果有懷材抱德及通今博古文章超卓名行相稱之人許該司府州縣正官及風憲官舉保赴京考用不許濫舉
一官員之中有老疾不堪者並許自陳致仕如年未及七十有疾病者亦許自陳起送赴部驗實放免若在遠方有疾果不堪起送者上司驗實一放免明白具奏不許扶同虛詐若有年及七十老疾而貪冒無耻不退者許風憲官糾舉除近侍舊臣雖年七十之上

朝廷留用者不在此例
一吏典中果有疾病貧難鄙猥寫字粗拙者詔書到日聽該衙門堂上官揀送吏部驗實發回原籍為民當差

一山西大同太原并順天保定真定河間府州縣被賊驚擾軍民該徵景泰元年糧草子粒并拖欠一應物料追賂頭畜悉皆蠲免
一河間山東北直隸府州縣軍民地畝有被水衝決成河道者所司查勘明白原額歲糧絲絹等項悉與開豁

一各處逃移人戶遺下田畝果無人耕種及見在人口田畝被水坍塌者許令告官踏勘是實原額稅糧悉與具奏減免不許虛詐違者罪之
一兩淮等運司四川等監課提舉司正統十三年正月以前拖欠監課悉皆蠲免
一科舉歲貢自景泰元年為始一依永樂年間例行不許更改

一各處運糧官軍先因虜寇侵犯暫令操守令民代運今後悉令照舊運糧以甦民力
一考滿給由丁憂起復公差等項官吏人等往回

各有程限如遇事故但有可信文憑或文憑外過違十日以下悉免送問

一住坐匠人厨役醫人果有年老殘疾不堪供役願回原籍者聽從其便該補替者照例補替匠人失班在逃該罰役者宥免止當正班有等在京住坐又令原籍戶丁赴京重輪班者所司與查理分

豁

一兩廣福建浙江四川貴州等處先因蠻苗作耗人民被其傷殘但經賊處已平靜者免其明年租稅之半未平靜者全免以甦民困

一各處但遇水旱蠱傷之處所司從實取勘申達
鎮守巡撫三司御史覈實明白具奏戶部量與蠲
免稅糧

一在京官員俸糧本色未先因戶部奏減分數使
守廉者難以養贍今後悉照舊閏支各處差使人
員日支廩米亦照前例
一各衙所官旗近因守關等項在逃及為事降調
邊衛守瞭立功等項者復還職役就注降調衛所
管事看役差操

一官吏人等有為事充軍者悉照宣德十年詔書

事例止終本身法司通查自正統元年
至十四年七月終發遣充軍無贓官員果有才能堪任用者
明白具奏定奪

一各處騎操孳牧并擺站等項馬驢牛羊先被賊
搶掠已行奏告未除豁者悉與蠲免其不曾奏告
者不在此例
一彰義門西直門等處征進未回官軍數內亦有
陣亡者因未經相埋未曾陞授今後有此等奏告
者兵部即行談營查勘明白准令嚴陞一級以後
本人回還將子孫所嚴陞職役革去本人照原職

役管事差操

一各處成造軍器除已完在官及起解赴京外其未完者暫且停止

一自景泰元年八月十九日以前各處拖欠織造

綾段紗羅絹匹等件并採辦柴炭蘆柴皮張野味魚油翎鰓此種牛隻葛措等項悉暫停免

一各處造冊有被里書作契故將平民報作軍戶却將軍戶解作民戶以此民受其害軍被埋沒詔書到日所司即與查理改正分豁違者罪之

一各處軍民人等有為強盜謀逆等項事發懼罪

逃避山林詔書到日限一月內赴官自首免本

罪

一內外官司問擬罪囚中間有寃抑者即與辯理失入官吏不必追究

一自正統十四年九月初六日以後累次詔書條件所司務在遵守而行敢有故違者許風憲官覈奏治以重罪於戲聖耻不以威而以德誠有仗

宗社之靈遺民不于勞而于安志在益邦家之福尚賴叔祖叔父群臣賢哲匡朕躬於不逮庶幾華夷蠻貊四方遠邇臻治效於無窮布告中外咸體朕

懷 肅 四 女 邊 國 難 示 效 計 無 濟 可 告 中 水 河 斷 頰
大理寺右寺丞李茂言奉命閱視南京其兵備實
多廢弛且以所急言之南京為五都之冠而
祖宗根本重地所宜高城深池以備萬一之虞柰各
門城樓未設槩板并鎖鑰礮銃之備皆無近城山
坡可以通人往來而巡舖有去城十里步外者遇
警何恃以為固又言軍士貴練習兵器貴堅緻南
京官軍舍餘雖常操練然止用紙布盔甲臨敵豈
能披堅執銳操江戰船多有朽敝不堪遇戰豈能
出奇取勝乞

勅設部移文守備文武之臣原未設者設之原有而
敝者脩之接城山坡挖掘陡峻以斷人行巡舖遠
者徙置近地以嚴守備則城池有金湯之固軍士
熟戰攻之具而外患不足憂矣從之

辛卯 命刑部右侍郎江淵兼翰林院學士內閣辦事賞官
軍民壯人等周守鎮等十三人各絹一疋布一疋
以瀘州江安縣擒殺蠻賊功也

壬辰

陞都察院右都御史楊善為左都御史仍掌鴻臚

寺事賞善及都指揮王息等十七人銀兩龍衣綵幣表裏有差以迎

太上皇帝還京功也

戶部奏永順伯薛綬男輔已

罷伯爵年始七歲其歲給祿未未敢定奪命以半

給之 寧府金溪郡主薨郡主寧獻王第五女宣

德二年冊封至是薨訃聞遣官祭命有司營葬

司禮監太監金英家奴李慶坐罪當絞會赦法司

以聞詔誅之

癸巳

帝御奉天門賜迺北瓦刺送駕使臣宴仍命文武大

臣陪宴 提督守備居庸關右僉都御史王竑有

疾命還京調治 命山東提督學校僉事辛榮專

理糧儲 賞雲南晉安州土官同知隆本等七千

人鈔絲段表裏有差以擒獲賊首馬卜班等功也

夜有流星大如杯色青白出北落師門南行至

近濁

甲午

太上皇帝賜迺北瓦刺使臣宴于南宮

致書秦王志潔曰得所遣人送馬百三十六匹至

京足見資助國用之意今特具白金絲幣用酬馬

直至可領之固先是巡閱刑部右侍郎江淵言真
定軍器庫有比先都督平安所製破陣火織其上
製鎗頭環以響鈴置火藥筒三遇敵舉發其勢必
能驚潰賊馬以取勝乞

勅工部如式成造命召總兵官議皆言善遂命兵仗
局造以給軍淵又言山西應州民有師翽者頗有
智謀且能造火銃其銃柄上有活脫機頃刻之間
可連放三銃第一銃放藥箭七枝第二銃放鉄彈
子三四十個第三銃藥箭彈子隨用每銃可打三
百步外銃後帶兩刀上能斬人下能斬馬乞取翽

擢用詔徵翽試之

乙未

命陞湖廣布政司叅議宋欽為本司右叅政仍總督

軍餉從清遠伯王驥奏舉也 琉球國中山王尚

思達遣使臣梁回等奉表來朝貢馬及方物賜宴

并賜綵幣表裏絹布等物有差 陞賞迤北瓦刺

刺使臣有差太師也先正使奴塔台叅政刺來為

都督僉事紗帽金扇犀帶其也先弟男所差使臣

劉兒虎赤免失乃等四十三名俱為指揮同知俱

給紗帽鍍花金帶綵幣表裏視常有加從禮部奏

請以其奏迎全帶太上帝駕還京也南京水軍右等衛淮安府鹽城等縣軍民管運糧米至通州張家灣等處被驟水衝沒船米俱失戶部請令未歲如數運通州補納從之總兵官尚書靖遠侯王驥等檻反賊苗富蠱并其黨十六人至京師伏誅

丁酉

命趙汝復為都指揮同知仍隨總兵官石亨操練初玠坐罪當死自陳願父子家人自備鞍馬隨亨當先殺賊贖罪從之至是亨言玠屢立軍功乞復其

戊戌

職故有是命陞兵部車駕司主事段寔為武選司郎中武選司主事洪常武庫司主事方杲俱為本司員外從尚書于謙等奏保也

奏順天府所屬州縣多被盜賊驚擾該運口

外秋糧宜准折米豆存本處官倉交收穀草准折雜草運附近官場備用庶畿甸之民不至重困從之戶部奏肅州缺糧雖已設法僭運尚恐不敷請以淮浙鹽召商納米豆淮鹽每引米七斗豆五斗浙鹽每引米六斗豆四斗從之大同總兵官

定襄伯郭登言大同城居邊塞虜酋不時出沒軍民艱於樵採臣等輒出鄙見模效古製造為偏廂車用以防護軍民其車轆長一丈三尺前後橫轆濶九尺高七尺五寸廂用薄板各留置銃之孔輪軸如民間二樣輕車其出則左右兩廂次第聯絡前後兩頭轆軫相依各用鈎環互相擗搭細布為幕舒卷隨宜每車上插小黃旗以壯軍威仍載脫卸鹿角二長一丈三尺遇屯止離車十五步外鈎連為外藩每車每用神鎗二人銅礮二人鎗手二人強弓一人牌手二人長刀二人通用甲士十

人無事則輪流推挽有事則齊力防衛衣糧器械皆具車內遇賊來攻勢有可乘則開壁出戰勢或未便則堅壁固守外用常車載大小各樣將軍銃每方五座共二十座每座用推挽及藥匠十二人共二百四十人其馬步官軍或一千或二千以為出哨策應轉輸樵採之人皆處圍中又置一四輪車高一丈二尺別有用木梯接高一丈五尺有奇上列五色旗視其方有賊以其方旗招呼聽鼓而進聞金而止然必相度地形斟酌進退形如長蛇首尾俱至止為方城四壁堅合守已制人似為可

用敢以其式進呈乞
勅在廷大臣議其可否而行止之奏下工部同總兵
官武清侯石亨等言第可以守不可以攻大同之
地果能防護軍民任登為之然必量料製造若勞
民傷財亦宜停罷從之
大理寺右寺丞李茂言臣奉命南京廉察吏治廉
得南京兵部右侍郎杜寧剛果有為能革夙弊今
丁母憂去任乞令奪情任事從之
兵部尚書兼翰林院學士苗衷以老疾復上疏乞

歸田里從之賜之

勅曰卿以科目高第發身事戎

皇曾祖考以至于朕凡四十年歷官翰院寅畏小心
朕方進卿以大司馬莫有所倚毗也曾未幾何而
卿嬰疾并以老辭固先哲王求舊之美不能忘而
士大夫甘退之志不可拂特允所請賜卿寶鈔三
千貫金織文綺衣一襲并給驛舟命卿子監察御
史穉護送還卿卿其勉進藥食以養餘齒以副朕
懷賢念舊之意欵哉時穉為國子監學正以大臣
舉於都察院理刑未及考授至是以衷故特命為

南京監察御史俾便道侍衰還御右命詹僉都御史蕭啓提督居庸關代王竑也千鎮守宣府等處右少監伯玉等奏向因虜犯京師蒙調前總兵官昌平侯楊洪率精騎五千赴京截殺事寧就留三千在京緣原係備邊人數乞仍發回以壯疆圉事下兵部覆奏從之

築黃花鎮驢鞍嶺二城從巡守黃花鎮等處都指揮僉事魯宣奏請也

夜有流星其形大如杯色赤有光出天船北行至文昌

大明英宗睿皇帝實錄

右

大明英宗睿皇帝實錄

廢帝郕戾王附錄

景泰元年九月壬寅朔

太上皇帝居南宮

命監察御史陳述等於各布政司清理軍政述江西

張奎陝西項總河南應灝福建胡瑞湖廣李玘山

東楊進四川畢鵠山西盛琦浙江劉訓廣東金愷

直隸揚州等府戶部言近日雖放江南軍回伍

運糧欲甦民力然糧多軍少先調征廣東軍所遺

糧亦無人運乞為不例於河南山東蘓松府縣有

巡撫官處仍行各官提督其餘無巡撫官處俱遣
本部官督同所司令民備運從之廣昌王妃田
氏薨妃兵馬副指揮能之女正統二年冊封至是
薨計聞遣中官致祭命有司營葬謹按東金對
癸卯刻四百餘年命山西左布政使楊鼎河南左布政使年富管運
邊糧先是戶部奏准山西差鼎勘實所屬有收州
縣於今年稅糧內改撥八萬石俱運赴大同河南
所屬京糧內仍撥八萬石亦運赴大同既而戶科
奏差掌印官非舊例戶部尚書金濂言

宣宗皇帝勅諭不許差掌印官者治世常道今濟時
之急非常日可比苟不選任練達老成官負備運
恐誤邊儲乞仍准臣前議為便詔從之以通州
大運西倉在城外命鎮守及巡倉官築城以護之
從戶部奏請也福建布政司奏所屬地方未清
見征官軍民快供用浩繁乞將今年解京糧三十
萬石折銀存留本處備用事下戶部請准存其半
餘仍起解從之大理寺左寺丞段信卒信陝西
山原人正統丙辰進士授浙江杭州府推官以薦
遷監察御史陞右僉都御史奉命巡按保定等處

寇犯京師信坐失機大理寺丞未几以疾卒遺表乞念其勞勩歸喪塋復戶徭時已革優恤故官孤寡之典詔特許焉

甲辰 賜武清侯石亨昌平侯楊洪子孫世襲誥券追封其三代并妻也

乙巳 戶部請詔於福建所屬缺糧倉分每鹽一引糧米三斗赴在官倉不許缺火俱以十分為率海口牛田上里惠安四場鹽給五分潯美泃州浯州三場

鹽給四分從之

先是戶部奏依減省例軍匠不操備者月糧給五斗至是有訴不足詔軍將上班於內府給食者給五斗餘上下不給食者仍以一石給之

戶部言先因天旱民艱及操備馬多奏准減輕鹽價召商中草不期各商中草貪利延久不納近聞各處頗收又兼內外各場車價不同宜量增加以裨國用於是命每引淮鹽或十束浙鹽或五六束并納草冠帶之人一体加數催納

昏刻金星犯鈞鈴東星

丙午

改刑部右侍郎兼翰林院學士江淵為戶部右侍郎兼職視事如故 調通政使司左叅議李震于南京通政使司 陞赤斤蒙古衛都督僉事阿速為都督同知都指揮同知總而加亦魯伯為都指揮使指揮同知切答兒等三人為指揮使指揮僉事賞卜兒結等四人為指揮同知罕東衛都指揮僉事班麻思結阿巴為都指揮同知切巴為指揮使指揮僉事賞朵兒等三人為指揮同知嘉其忠順朝廷勦殺叛寇也 初太監金英家奴郭廡趙顯

多支浙鹽已謫戍邊衛都察院劾奏兩浙運使吳方大畏勢受賂聽囑詔械方大至京至是追贓畢發原籍為民 修山東兗州府城

丁未

復貴州都司都指揮僉事張景職初景坐罪降為事官發廣西總兵官處立功至是遇赦故有是命 給代府定安王成鑄歲祿二十石居順郡主并儀賓許琮晉寧郡主并儀賓徐虞文成郡主并儀賓劉文歲祿俱八百石米鈔中半支給 免順天府所屬二十二州縣去歲達賊擄掠旱傷田地糧草

凡免夏麥五千五百餘石秋糧三萬三千四百餘石草一百六十四萬八千餘束給神機營官軍騎操馬一百二匹以宣府城外殺賊功陞左都督朱謙為撫寧伯都督同知紀廣為右都督其都指揮聶勝等四千七百四十八人當先者一千三百四十八人被傷九十三人生擒為首者四人陞一級陣亡五十六人陞二級俱給賞為從齊力三千二百四十二人俱給賞守備陝西蘭縣都指揮僉事李進言臣聞寧夏造雙輪戰車固能禦寇然遇山路崎嶇則恐難於運動臣請製獨輪小車

官軍每隊置五車每車止用三人其上施皮屋前用板籬畫以獸面仍鑿孔安梳口銃一手把銃四神機箭十四旗一行則以車為陣止則以車為營視賊人衆寡強弱為進退戰守軍士器械衣糧亦可供載於上其制小其費廉不勞民傷財而可為從之南本提調南本嶽和山湖廣右叅議李個以年老乞致仕從之南本夜火星入犯壘壁陣西第三星南本戊申南本賞居庸關水澗等口截殺達賊有功官軍都督僉事楊俊等一萬二千一百十八人都督侍郎都御

史賞銀五兩綵幣二表裏當先者把總都指揮銀
三兩綵幣一表裏把總指揮銀二兩綉二疋布二
疋都指揮銀二兩綵幣一表裏指揮銀一兩綉二
疋布二疋千百戶等官綉二疋旗軍人等綉二疋
齊力者把總都指揮銀二兩綵幣一表裏把總指
揮銀一兩綉一疋布一疋都指揮銀一兩綉二疋
布二疋指揮綉二疋布二疋千百戶等官綉二疋
旗軍人等綉一疋布一疋守營無傷者都督銀一
兩綉二疋布二疋都指揮綉二疋布二疋指揮綉
二疋千百戶等官綉一疋布一疋旗軍人等布二

疋其被傷及陣亡官軍加本賞之半舍人家人餘
丁民人及夜不收不飲陞者加賞一倍 福餘衛
達子台出階妻求歸命為所鎮撫直隸南京錦衣
衛仍給賜銀鈔龍衣綵幣布綉有差

已酉

擢審理副朱紱為湖廣道監察御史以藩邸舊臣
也入賞都指揮同知田進等三百九十一人銀兩
布綉有差以遼東塔兒山殺賊功也 賞山西朔
州衛餘丁葉勝等九人銀兩布綉以賈家窟殺賊
功也 增給操備守閔民壯行糧月四斗

命去歲八月陣亡軍匠人等家屬有闋過九月分糧者俱免追還出內帑銀二百兩於居庸關支待死刺使臣去歲以重東官與山等死於貴山西陲庚戌貴山都都同以田並言三百五十一人乘西重陽節賜文武百官宴陞翰林院侍讀商輅為本院學士輅具疏言學士重職非問學老成何足以稱臣學術疎淺累蒙恩寵無所補報方切懷慚今又薦蒙榮命益增兢惕伏望務允仍臣舊官以圖消報庶免清議帝曰今開經筵正資顧問爾尚懋稱毋徒謙讓入請

戶部尚書兼翰林院學士陳循言臣侍罪翰林職掌制勅凡六部都察院等衙門奏奉

聖旨請寫制勅撰述冊祭并擬封謚

聖旨榜文若項手本乞令各衙門今後俱從堂上官僉

書用印方許送院又臣今後移文於各衙門堂上

官宜僉書於各司屬止令孔目僉名臣惟判案用

印庶於是事為當從之此大同鎮守太監陳公與

總兵官定襄伯郭登素不和諧數相非議甚至顯

排詆於公會之所叅謀軍事左都御史沈固言師

克在和今二人不和恐誤邊計乞調一人時山

西行都司署都指揮姚貴舉公不法二十事公疑
登族貴為之指摘登微過以聞帝謂兵部臣曰大同係極邊緊要藩籬公與登如是
背馳何以嚴固邊圉振揚兵備其令右監丞馬慶
代公還京仍諭登俾知朕意謙等請審勘其互訐
事情以憑究治詔勿勘令總督邊儲叅贊軍務戶
部左侍郎劉璉自陳老病乞賜骸歸不允
星犯太微垣上相星

辛亥

命都督僉事武毅仍充左副總兵佩征蠻將軍印

鎮守廣西

命山西澤潞平定汾四州民壯運大同糧四州俱腹
裏民壯操守者共九千五百餘人皆虛名口糧而
山西近邊居民疲於邊運鎮守都御史羅通請暫
借四州民壯代運一次事畢聽散歸農有警復聚
如此則不惟少甦軍民之困而務農省費亦公私
之利故有是命賞遼東石峯山墩殺賊官軍都
指揮指揮千百戶旗軍人等王榮等一千三百五
十三人白金絹布有差

賜祭隆慶右衛指揮同知王敬指揮僉事張澄敬

澄俱以總兵官楊洪調往獨石萊應至雲川龍門
口遇賊亡故遣官祭

命兵部揭榜諭衆比因口外失環吉字火烙官馬或
有收獲者即送官交納給與賞敢隱匿者重罪之

夜火星犯壘壁陣西第四星

壬子

迺北瓦剌脫脫不花王遣使臣皮兒馬黑麻等來
朝貢馬詔如也先使臣例賞之賜京軍往易州
并保定修城守備者每人絹布各一疋炒米麥二
斗賜宣府前等衛旗軍在京操備者冬衣布綿

花如例

癸丑

勅曰朕以眇躬祗膺

天命嗣承

祖宗大統臨御兆民顧惟負荷之可勝必由問學之
能敏茲以九月十六日御經筵命爾太保寧陽侯
陳懋知經筵事戶部尚書兼翰林院學士陳循工
部尚書兼翰林院學士高穀同知經筵事戶部右
侍郎兼翰林院學士江淵翰林院學士商輅侍講
學士劉絃吏部右侍郎俞山禮部左侍郎儀銘兵

部右侍郎俞綱國子監祭酒黃鏊左春坊諭德趙
琬兼經筵官循毅淵輅日侍講讀翰林等衙門儒
臣侍講吳節趙恢徐理陳文劉定之周旋修謨林
文李紹編修薩琦楊鼎呂原周洪謨劉俊陳鑑岳
正萬安劉吉劉珣季泰檢討邢讓分直侍講夫六
經載帝王之道而萬世仰治教之則以我朝學之
祖宗之聖尚猶銳情於斯况朕安所務而不然卿等
其務端心竭誠相與講論臻其極至毋隱且徇徒
事虛名必二帝三王之蘊奧得於心而施於行俾
四方萬國之廣遠蒙其德而被其澤斯足以副朕

之素志欽哉仍命武清侯石亨昌平侯楊洪安遠
侯柳溥太子太傅兼禮部尚書胡濙太子太保兼
吏部尚書王直太子太保兼戶部尚書金濂少保
兼兵部尚書于謙刑部尚書俞士悅工部尚書兼
大理寺卿石璞都察院左都御史陳鑑王文等經
筵侍班
勅諭兵部尚書清遠伯王驥曰南京國家根本重地
安民禦寇必得端重老成剛果之人始足以副委
任今特命爾往彼總督機務與同守備太監袁誠
及豐城侯李賢等同心協力整飭兵備嚴督訓練

軍馬固守城池撫安人民但遇遠近賊寇竊發即
相機調兵撫捕有廢壞者即酌量修理與夫利當
興弊當革凡百事宜聽爾會同守備官及各衙門
計議區畫務在盜息民安利興弊革毋或安於故
常致人嗟怨爾受朝廷委重必持廉秉公動慎率
下毋自怠忽有妨公道爾其欽承朕命勉之慎之
庶陞巡撫河南左副都御史王耒為右都御史總
督湖廣貴州等處軍務勅之曰湖廣貴州等處苗
賊作耗殺掠人民雖屢命將出師征剿而賊益熾
未能殄息若非設法撫捕必至師老兵疲人民不

安邊事不息今特陞爾職爾即自河南往彼總督
軍務自總兵叅贊以下悉聽爾節制爾往會同保
定伯梁瑤并都督方瑛等從長設法務在剋期殄
滅以靖地方爾為風憲重臣受朕委託必須持廉
秉公運謀設法以成弭盜安民之功爾其欽哉
都察院奏都指揮以思不花不家人陳麻子傷人
恐致死潛囑都督僉事昌英為之解許以賂英遂
令軍往執被傷者今已真麻子等於法請執英鞫
罪從之

甲寅

陞迤北脫脫不花王使臣都督僉事皮兒馬黑麻
為都督同知給賜金廂犀帶指揮同知奄可卜刺
為指揮使副千戶馬黑麻阿力為指揮同知也先
使臣同知哈丹并納察罕俱為指揮同知俱賜鍍
花金帶增給大同民壯口糧人四斗
丙辰封遼府湘陰王嫡長男豪壘枝江王嫡長男豪壁
俱為長子給授一品冠服封枝江嫡次子豪埒為
鎮國將軍嫡長女為縣主賜誥命冠服補給忠
勇伯蔣信祿未信隨侍

太上皇帝在虜中祿已任支至是回京故命補給之
蔣信即把台也

丁巳

勅都察院右僉都御史祝暹往倒馬關與署都督
僉事劉聚等守備關隘提督訓練軍馬以備不虞
叅謀大同軍事左都御史沈固奏舊例山西旗
軍隻身者給糧六斗緣糧儲數少乞減為四斗從
之

戊午

太子太傅禮部尚書胡濙等奏乞遣使瓦剌同皮兒

馬黑麻以往尚書監勳賞已盡對天降回其
帝曰今境外兀良哈野賊往來不絕况天氣寒冷不
必遣使以連州鷹湖等處殺賊功陞賞將士都督
曹義等四百八十六人有差內先次記功今又當
先一百八人陞一級給賞今次當先斬首及被傷
者三百五十六人人陞一級總兵曹義等十員給
賞立功署都指揮僉事耿和高飛俱復原職
已未

陞刑部河南司主事沈和為廣東司員外郎以
遼東寧遠衛千家峪殺賊功陞賞將士都督焦禮

等三百二十三人有差內先次紀功今又當先八
十五人人陞一級給賞今次當先被傷二百三十
六人陞一級焦禮給賞免河南長蘆鹽運司灶
戶食鹽價米并黑土課米共八千二百二十餘石
以其地旱災故也賜宴迤北瓦剌脫脫不花王
使臣皮兒馬黑麻等一百二十五人于奉天門
給慶成王次子鎮國將軍鍾綱祿米如例
犯陝西涼州永昌堡副總兵署都指揮同知蕭敬
擁兵不出任其虜掠而去叅贊左副都御史宋傑
奏敬擁兵不出任其虜掠而去等玩寇失機乞治其

罪詔姑宥之戶部奏商納邊糧官給價銀每
一兩宣府倉納新米豆一石七斗萬全左右衛倉
納陳米豆二石四斗懷來永寧二倉納豆二石七
斗從之巡按湖廣監察御史侯爵奏近見苗蠻
累被黎平府土兵殺敗及沅靖二州夷丁洞民俱
驍勇慣戰已編成甲隊操守地方乞量免其稅糧
俾奮勇殺賊事下戶部請行湖廣貴州二布政司
量免二年租稅從之

庚申

命故遼東錢嶺衛帶俸達官都指揮使康福子寧

嚴為都指揮同知鎮守山西左副都御史羅通奏
戶部送銀二萬兩令臣贖付山西布政司派屬糴
買糧草緣山西地方天旱無雨無收若復糴糧則
米價愈貴貧民無食况近日大同道路已通糧儲
稍足惟懷仁縣渾源州朔州三處缺糧已嘗撥軍
於太原府倉領米一萬石運給若猶不足乞以前
銀分送各該官司令本處操捕官軍按月給本色
米一次給折色銀一次則軍無乏食民省糴運實
為兩便事下戶部請如其言每銀一兩准糧二石
五斗給與軍用從之

夜火星犯壘壁陣第六星

辛酉

擢茂山衛千戶徐璘為署指揮僉事巡按監察御史吳中薦其智謀精審試中故也 初龍門所倉有糧七萬八千六百餘石賊至不守至是路通官軍有出口竊取者事覺左侍郎劉璉乞命都指揮楊信撥軍運入懷來永寧城官倉收貯以備支用事下戶部請如其言仍行宣府總兵官分遣夜不收及行吏部取原經官攢赴開平馬營等處巡視守候撥運從之 襄陵王冲炆奏臣有母及妃

又有子女八人皆已長成分居各乏使女供用乞於瀚衣局撥賜或許令軍民之家選取命於軍民之家有願者聽買二十五人 戶部奏昨會官議景泰二年事宜以京軍馬數多宜於各處存留糧內增運二十萬石赴京備用應賞糧軍鈔俱於淮安臨清二處取給放回運糧官軍其船有損壞者責令本衛掌印官辦料協同修理修造遮洋船乞于寶船廠見卸木料支用各處管洪閘官毋得坐視河岸坍塌不理及推故躲避致令船隻擠塞河路民運京糧不許有司放富差貧各衛運糧軍已

有指揮千百戶等官管理其把總等官多者宜從革去免致科擾遼東關中浙益因價重無人上納宜比舊減三斗奏上詔以漕運重務管河道部官及各布按二司委官敢有仍前慢事者聽巡河御史具奏治以重罪御史有阿徇者并罪之餘悉如議已故清平伯吳英支過祿米八百餘石戶部請於英男璽優祿米內扣除還官命仍給與之

修南京正陽門城垣并中和石橋 夜黑雲數丈橫貫北斗魁蒼白雲三道東西亘天

壬戌七月十八日

詔安遠侯柳溥南京祿米准撥三十石於京倉取給從溥奏請也

命以南京龍江批驗所掣餘鹽准給南京各衙門官俸每鹽五斤折米一斗從戶部奏請也 昏刻月犯鬼宿金星犯天罡上星

癸亥

陞吏科掌科事給事中程信兵科掌科事給事中蔣性中俱為本科左給事中各以本科都給事中奏保也 置通州大運西倉土堡倉居通州城外先是虜犯京師監守者無以保障悉逃去故令立

堡吳... 甲子...

甲子... 遣北瓦刺使臣皮兒馬黑麻以馬三匹貢

太上皇帝禮部官乞^送御馬監交收命給價如例仍

加賞綵幣六表裏 擢監生陳謨揚榘俱為禮科

給事中 陞提督漕運南京廣洋等衛指揮僉事

朱諒王瑗為署都指揮僉事協同總兵官漕運以

巡按直隸監察御史趙縉^保諒等漕運年久請歷

事情乞旌擢也 南京吏部尚書魏驥乞致仕從

之 兵部言頃者瓦刺太史也先及知院阿刺等

所遣使臣入貢宜循例陞職以慰遠情從之於是

命也先使臣把禿為指揮使脫及綽班俱為指揮

同知阿刺使臣失談為指揮同知把速台為指揮

使俱給賜紗帽銀花金帶^也江西道監察御史許

仕達言往歲北虜橫侵^也

上皇播越斯時^也

宗廟社稷危於綴旒伏自^也

皇上嗣登大寶不越期年而外夷效順^也

上皇回京足以見天意之有在於^也
陛下矣天意有在於

陛下豈徒然哉蓋以

陛下有可為之資有可為之德必能為

宗社建可久之業為生靈垂無疆之休故特默相神
助而保佑命之也天意如此欲有為以奉承之舍
聖學何以哉聖學既明則凡庶務之得失人才之
邪正莫不瞭然於心胷之間而自不為群小所蔽
陛下舉經筵舊典既有意乎此矣然每月不過初六
十六二十十六三日而已如遇寒暑援例停止即孟
子所謂一日暴之十日寒之者安能有成也哉正
統間上下蒙蔽無敢言者釀成大患

陛下明知之矣今又欲因循故事蹈襲前轍恐非所
以奉承乎天意此臣所以冒萬死為

陛下言之今

陛下欲實明聖學以立大本以承天意則當於經筵
之外延儒臣深明理學者寘之便殿不論寒暑但
於應務之餘即與講求經史克舜之仁桀紂之暴
善者固可以為法惡者亦可以為戒實用工夫務求
通貫驗之於史會之於心以應當世無窮之變將
見遇所當為而必為所不當為而必止天下有不
治者未之有也至若北虜講和尚難深信臣竊觀

女真之於宋奉還帝后及三梓宮和好已成矣然而不數年後舉南侵之師又自弑其母而起蓋豺狼野心叛服不常况今也先又其凶狡之尤者乎今使輶往來接迹道路金幣賞賜不貲安知其不以此坐致我之空虛待彼士馬之精強而後興無厭之欲發難從之請如去年妄動大衆也哉今朝廷擇將之方治兵之政車馬器械之制號令賞罰之權莫不各有成算無待於言臣願竊以為獻者惟在勿懷怠心而已大同等處宜積糧儲以防之居庸等關宜屯重兵以守之總戎任事之臣益簡

閱士馬以練習之以至外夷無已之使亦宜量我之所積與所入以賞賜之萬一彼背好長驅我且有備而無錯愕失措之患矣

帝曰所言皆當於理聖學朕自加勉邊備之事戶兵部宜修舉行之

乙丑

命習字秀才葉玫謝宇何暹為中書舍人起復中書舍人黃采趙昂俱於文淵閣書辦從戶部尚書兼翰林院學士陳循等奏請也減四川中鹽例先是戶部奏准四川上流等十五鹽課司鹽課出

榜召商中納然所定米數太多松潘路險難為輸
運以故客商久不願納至是四川布政司恐誤邊
儲乞減輕召中戶部請上流等鹽每引減納四斗
伍升通海新羅藍納四斗福興華池富義藍納三
斗五升俱於松潘等處缺糧倉分上納詔如所請
丙寅

陞禮科給事中全運為本科都給事中賞銀十兩
綵段二表裡先是達散賞至獨石值虜寇入境攻
城達督官軍運謀得禦城得以全至是禮部右侍
郎李實等自虜中回白其功于朝乞加陞賞故有

是命陞湖廣布政司左叅政董和為貴州左布
政使馳驛淮任是日有蒼白雲氣南北亘天闊
餘三尺兩頭

戊辰

賜少保兼兵部尚書于謙誥命并封贈其曾祖祖
父母父母妻以其總督軍務克效忠勤故特旌之
也命金吾左衛帶俸都指揮僉事高謙子玉代
為指揮使故羽林前衛帶俸都指揮僉事錢禮子
通巖為本衛指揮使以宣府懷安等處殺賊功
陞指揮郭瑄等一百九十二人人陞一級從總兵

指揮官平侯楊洪請也。貴州偏橋清浪等處殺苗賊功陞賞將士都指揮李震等二千一百一十七人內獲功四次至八次者四百一十六人人陞一級一次至三次者一千六百九十七人給賞陣亡四人子孫襲陞二級。守備廣昌都指揮僉事金能奏本處缺糧乞令附近有司運給事下戶部請於改折糧銀內摘送一千兩令廣昌縣官司收貯每銀一兩依彼時直准米二石二斗給與官軍糴糧用從之。先是禮部右侍郎李實自迤北還言甘肅右叅將都督僉事毛忠屢與虜通朝廷遣人執忠赴京至是少保兵部尚書于謙劾忠本以俘虜荐沐寵恩累官至五府之榮叅將受一方之託自合精白一心以圖報稱而忠懷奸負國當寇猖獗之際潛蓄異謀近因喜寧明正典刑忠自望情揆罪重心懷疑貳佯陳情懇荷洪恩既不加誅復官其子冀其感恩圖報以自新豈意豺狼終難伏性通者遣人到也先處傳通語言意在約為內應引賊襲我邊城敢負更生之恩自造滅門之禍乞將忠執付法司究問明白碎屍萬段以昭法令以戒將來疏入

遣人執忠赴京至是少保兵部尚書于謙劾忠本以俘虜荐沐寵恩累官至五府之榮叅將受一方之託自合精白一心以圖報稱而忠懷奸負國當寇猖獗之際潛蓄異謀近因喜寧明正典刑忠自望情揆罪重心懷疑貳佯陳情懇荷洪恩既不加誅復官其子冀其感恩圖報以自新豈意豺狼終難伏性通者遣人到也先處傳通語言意在約為內應引賊襲我邊城敢負更生之恩自造滅門之禍乞將忠執付法司究問明白碎屍萬段以昭法令以戒將來疏入

帝曰卿言甚當但此語恐傳說實否未可知忠在邊
年久亦曾效勞今姑宥之謙等復言忠子佺雖家
恩宥豈可令其復任宜將忠降職及革其子官遣
人押赴福建巡撫侍郎薛希璉等處聽調殺賊其
家屬并部下人亦乞

聖斷處分庶免貽患將來
帝謂謙等曰忠在邊效勞頗多父子職事俱不必降
但令殺賊有功一體陞賞仍勅劉永誠王敬將其
家屬給與廩饌脚力令人赴送京師其餘部下令
敬等諭其本分安生樂業毋自驚疑以蹈禍患

己巳

免直隸揚州府寶應縣湮沒地畝租稅凡免米豆
五千二百八十餘石草一萬一千七十餘包
通州修城民夫口糧
免直隸易州城
命湖廣
右叅將都督同知陳友守備靖州以前守備叅將
張善卒故也

庚午

戶部奏先因貴州剿賊遣禮部侍郎王一寧本部
主事盧彬大理寺丞薛瑄分往湖廣四川雲南
饋運糧餉猶恐不敷又召商納米令因贖罪并定

秋糧俱存本處給用近聞各管糧方面官多有避
難不行別委庸懦屬官管運者致使糧夫在途延
緩或盜賣本色或假稱路阻逃回官司莫能究實
糧餉被其侵費乞差官馳駟移文一寧等督同湖
廣四川布按司官將每處先次擬運并今撥運糧
各十萬石趁時運赴貴州軍前給用毋得推避如
復悞事責有攸歸從之 陞瓦剌使臣恭政完者
土干為指揮使侍郎哈力赤孩為指揮同知各賜
冠帶 南京國子監祭酒陳敬宗乞致仕從之敬
宗浙江寧波人由進士選翰林庶吉士除刑部主

事永樂十六年改翰林侍講宣德初預修

仁廟實錄陞南京國子司業九年考滿陞本監祭酒
為人美丰姿博學善書攻賦咏能嚴立教範剔除
諸積弊六館之士翕然從化蓋知師道自重云

大明英宗睿皇帝卷之九十七

景泰元年冬十月辛未朔
太上皇帝居南宮
帝享皇太廟以下元節遣官祭
長陵獻陵景陵遣中官祭司井之神
吏部言先是各處巡撫等官考察府州縣官柔懦昏慵
老疾堪任者送部後奉詔若有百姓保留或累訴
冤枉者悉與查理復職今錄各官訴冤情以聞
帝命吏部會同多官考驗果堪任者留用不堪任者如

大明英宗睿皇帝卷之一百九十七

廢帝邸戾王附錄第十五

景泰元年冬十月辛未朔

太上皇帝居南宮

帝享皇太廟以下元節遣官祭

長陵獻陵景陵遣中官祭司井之神

吏部言先是各處巡撫等官考察府州縣官柔懦昏慵

老疾堪任者送部後奉詔若有百姓保留或累訴

冤枉者悉與查理復職今錄各官訴冤情以聞

帝命吏部會同多官考驗果堪任者留用不堪任者如

例黜違母徇私作孽及寃抑人 復直隸河間縣
學先是河間府知府孫睿以河間係附郭縣且兵
後賦役艱難奏革其學既而給事中程信言今民
已復業生員俱在且聖賢廟貌明倫饌堂兩齋學
舍俱存迺復之 昏刻西南生黑雲氣如烟火南
北亘天夜火星犯壘壁陣西第六星

壬申陞吏部左侍郎曹義為南京吏部尚書禮部
右侍郎儀銘為南京禮部尚書翰林院侍講吳節
為南京國子監祭酒 復除浙江道監察御史何
琛原傑於湖廣等道以奪情取至故也 夜金木

二星合於癸酉命故燕山左衛指揮使孫幹伯父
興羽林前衛指揮使王王兄鐸金吾左衛指揮同
知王興子纘府軍衛指揮同知卞智子廣燕山右
衛指揮僉事阮信叔父璽俱罷 嚴私禁耕牛禁
犯者於常律外仍罰鈔五千貫本管并隣里不首
及買食者各罰鈔三千貫 給懷來永寧等八衛
官軍馬五百七十餘匹 給天壽山居庸一帶關
口官軍衣鞋

乙亥敕都察院右副都御史王暹曰今特爾巡撫
河南并湖廣襄陽府提督都司衛所操練軍馬整

擗器械修理城池遇有賊寇相機勦捕并督司府州縣存恤流移人民遇有饑窘設法賑濟凡軍民利病官吏賢否事有當興革悉聽爾從宜區畫務在事安民安庶副朕之委任 命江西吉安府祀故翰林院侍講劉球於忠節祠從教授趙永言奏請也 遊擊將軍右都督楊俊先奉勅巡哨涿州保定諸郡及修倒馬關諸隘口至是以事完乞還許之 命戶部減輕代州中鹽則例每引淮鹽納米六斗浙鹽四斗長蘆鹽一斗五升河東鹽一斗以山西天旱米貴故也 雲南總兵官黔國公沐

斌卒斌晟之子也初名儼正統六年嗣爵賜名斌繼領父任大軍之征思任發也斌皆在行至是卒於鎮遣官諭祭有司營葬

丁丑朝鮮國王李珣遣陪臣貢馬及方物賜宴并綵幣等物 先是鎮守德州署都指揮僉事周泉奏准將德州城外倉三十五座拆卸入城蓋造收糧至是戶部主事何銳乞停拆以省民力從之 戊寅擢進士潘榮為吏科給事中 先是從兵科都給事中葉盛等言盡括軍官舍人拔其精銳以備操守存其單弱以資軍裝既而流言謂悉欲驅

之行伍人情洵多匿不報至是盛等請榜諭安衆人俟其不報者從之 潘王侏惇奏本府及臨川王府景恭元年祿米定撥山西高平等縣至今無納恐係災傷蠲免之處乞改撥事下戶部言各王祿米共計一萬石今歲山西旱傷邊運浩大乞以折糧銀一千二百兩准糧五千石先送王府備用餘五千石移文山西布政司於稍收州縣改徵如無可徵即以本司官庫布絹折給從之 命錦衣衛指揮僉事呂貴於京城內外捕盜以多盜故也 少保兼兵部尚書于謙言聞瓦剌也先等所

遣使臣逾三千人今通好之初遣人過多慮有窺伺之意宜於五軍神機營選官軍一萬五千徃居庸關布列以壯軍威備不虞及在京三千大營圍子手官軍先一日俱貼班上直務令整肅不得喧嘩鬧嚷坐卧違者治罪從之 命內外法司今後問擬笞杖罪囚其有力當輸贖者免其運糧悉納鈔笞一十二百貫餘以二百貫遞加至笞五十一千貫杖六十一千八百貫餘以三百貫遞加至杖一百三千貫其貪賍官吏除金銀珠寶仍追本色餘物亦照今例折鈔每疋羅段八百貫綾紗三百

貫大絹一百貫小絹三梭布各三十貫大綿布二十貫小綿布八貫以鈔法不行從戶科給事中李錫請也

已卯廣通王徽燂奏兄鎮南王徽燂遇臣無恩屢加讎害乞徙臣府第于附近零陵縣以遠之不允
陞遼東州等處陣亡官軍二百四十五人子孫俱二級陣傷官軍四百人賞有差令巡按浙江監察御史謝騫奏會昌伯孫忠家人馮德吏部尚書趙新孫理皆販私鹽事覺新子露姪寔求免臣弗許輒詈臣已執問之忠新為大臣不能正其家人

亦當遠治於是六科十三道交章劾忠新且言新衰老不知求退宜罷其職

帝命新致仕忠陳狀輸罪乃宥之

庚辰敕刑部右侍郎耿九疇曰往者命爾巡治鹽法令特命爾不妨前事仍兼巡撫鳳陽淮安揚州廬州四府滁徐和三州撫安兵民賑濟饑荒修治水利勸課農務築濬城池操練官軍修備軍械但有賊盜生發即調官軍民兵勦捕官員中有廉能公謹者重加獎勵貪酷不才者依律黜之尤須禁治豪強刁潑之徒潁州流民恐久聚為非亦宜撫

令安業凡有事聽爾便宜區畫惟勤惟慎乃克有
濟爾其勉之 命恭順侯吳瑾督操三千營官軍
忠勇伯蔣信督操舊所部官軍 戶部左侍郎劉
璉奏口外保安永寧二衛保安隆慶二州及永寧
衛俱軍民相參辦納糧差頃因虜寇驚散不成官
府今邊境已寧軍俱回衛民未復業倉庫衙門俱
無統屬乞勅該部責令前項州縣官招撫所部流
民復業奏下戶部言官已調用口外流民多係父
祖為事編發者恐逃回原籍宜揭榜天下不拘口
外腹裡逃民俱令有司責限督令復業有不報官

者事覺治以重罪并其隣里俱發口外為民從之
辛巳監察御史白仲賢劾工部尚書陳恭周忱都
察院左副都御史孫曰良刑部左侍郎丁鏊太常
寺卿蔣守約大理寺卿蔡錫左少卿韓翼右寺丞
仰瞻等俱老病不堪貪冒無厭乞即罷歸事下吏
部覆奏恭等有^已及七十有未及七十者詔俱留
理事 戶部言舊例山西陝西雲南四川北直隸
真定等府軍馬用糧之處欲分俸者皆不許近日
又以浙江江西湖廣福建廣東盜賊生發糧餽艱
難亦不許分緣去歲雖有詔官員欲分俸養親者

聽今山西等處宜准舊例浙江等處盜賊稍寧并
其他有糧處所可聽分支其在外官原無分俸例
宜勿聽援引詔例恐有事故重冒者難以稽考從
之先祿寺卿齊整自陳願與經筵班末不許
夜南京雷電雨

癸未賞大同右叅將許貴等二千九百八十餘人
銀綵段表裡絹布有差以城外殺獲達賊功也

甲申朝鮮國王李珣遣陪臣貢馬及方物賜宴并
鈔物等幣物

乙酉勅諭罕東衛都指揮賞卜兒加并大小頭目

人等先聞爾等與安定衛讐殺已嘗遣人賞勅并
賞賜撫慰令各釋兵近又聞讐殺不已勅至爾等
務在撫綏部落不許恣為殺掠如有舊讐隨爾番
俗兩相解釋庶爾等及子子孫孫永享太平之福

勅總兵官武清侯石亨昌平侯楊洪安遠侯柳
溥等曰今天氣尚寒各營軍士其暫令停操爾等
每一月六次下教場點視仍約束官軍頭目不得
私役擾害及縱還原衛潛任有誤調遣 襄陵王
冲焮奏臣女清澗縣主儀賓曹英合水縣主儀賓
周剛已蒙賜祿米然俱於軍倉取給粗糲難用乞

改兌一二庶使諸幼日用頗舒詔陝西產有稻米
之慶兌撥五千石給之給大營官軍馬一千五
十匹翰林院檢討掌國子監助教事李洪言臣聞
進而盡忠退而全節人臣之所難生有榮名沒有
褒贈有國之通制切見國子監祭酒李時勉始由
進士累官學士陞任祭酒歷事

列聖四十餘年文行之實朝野所推忠義之名天下
共聞誠可謂國之元老世之畫臣也及逢

皇上繼統猶有奏疏上陳反覆論議深切時政其忠
愛之心老而弥篤今年七十有七疾終于家始終

一節無愧古人臣思諭祭之禮朝廷固有定制而
崇儒之典恐難拘於常例且如前國子祭酒胡儼
始由舉人累陞前職在朝僅二十年伏蒙

仁宗皇帝加以太子賓客優老家居及卒又蒙

朝廷賜以祭葬今時勉出身之階榮於儼立朝之
日倍於儼文章行誼優於儼而卹典乃不逮儼且
京官凡三品而父母妻室之亡皆官給葬祭豈以
時勉為學士為祭酒文行超卓多歷年所如此反
不如三品之父母妻室乎伏乞不拘常例念其老
成照胡儼例特加褒贈葬祭以厲天下儒風以昭

當代之盛典則天下後世皆知

皇上崇儒勵賢之心實出尋常萬萬矣疏聞詔談衙門議行山東左布政使萬觀卒觀字經訓江西南昌縣人以進士任福建道監察御史輿論稱賢未幾浙江嚴州府知府有善政奏新克祠芝生于棟人皆異之未幾陞山東右布政使尋遷左布政息蝗止訟卓有聲績久之卒于官金星晝見於未位夜月犯昴宿

丙戌命戶部給官銀一萬兩於密雲遵化二縣分貯糴糧從巡撫右僉都御史鄒耒學請也

丁亥賞守備大同官軍李虎兒等四十三人及偏頭關官軍二十三人布絹有差以桃朴山等處殺獲達賊功也定古北口中鹽例每引淮鹽粟米七斗黑豆五斗浙鹽米六斗豆四斗仍令淮鹽七分浙鹽三分相兼中納

戊子

誠孝昭皇后忌辰遣官祭

獻陵中軍都督僉事張輓奏舊制將軍一千人自土木陷沒之後今止六百餘人凡遇設鹵簿駕及外夷朝貢上直貼直不足於用乞遣官於山西山

東陝西河南北直隸軍民中選其身力相應公私
無過者補役從之 巡按貴州監察御史黃錫奏
貴州賊反覆官軍屯集無期糧運艱難日給殆盡
前日有例許納米補官固為一時權便然所屬路
有阻通米有貴賤行之既久不能無碍臣愚謂當
隨時制宜乞勿限米數惟以銀數為定今土官軍
民人等隨其告倉分納米依彼時值估價足銀六
百兩者土官陞一級土人民人授驛丞河泊等官
旗軍舍人餘丁授所鎮撫足九百兩者土官陞二
級民人授以縣佐巡檢旗軍舍餘授試百戶如此

庶使輕重適均邊儲易備奏下戶部請准其言仍
命右都御史王耒總理其事從之 陞宣府官軍
四百人各一級二十三人賞有差以斬獲達賊功
也

己丑韓府鎮國將軍範瓊生母周氏風疾範瓊晝
夜扶持不離左右二十餘日母病積危範瓊焚香
籲天剖左股肉調羹啓母口灌甦踰數日病愈事
聞

帝賜勅獎諭之 朝鮮國王李珣以賜其先生祭贖
謚號遣臣謝恩貢馬及方物賜宴及鈔幣等物有

差 禮科都給事中金達言二事一國之有邊猶
家之有墻壁也必未^レ備得人然後無外侮之患此
者逆虜犯邊都指揮楊俊捐棄連城金帛錢穀動
踰萬計墩臺不守烽堠邈絕致賊乘虛邀留
聖駕臣民荼毒原其情犯死有餘^辜臣嘗以散賞到
邊見長安嶺直抵獨石一帶田連阡陌種藝未稼
收穫之豐甚於內地從而詢之則皆總兵等官之
私產耳夫為邊將而乃驅役軍士以營己私其能
盡心於守備之策乎乞舉武將處心正大謀勇兼
資文臣忠謹鯁亮清望素著者各一人統兵徃長

安嶺等處修葺城堡烽堠墩臺皆令復舊以後總
兵等官俱不許勞役官軍置產耕種每年專差風
屬^力御史察訪究問其若楊俊輩者皆黜之勿用則
守備得人而邊鄙固矣一古者寓兵於農無事則
執耒於耕有警則荷戈以戰今之民壯亦猶是已
近因逆虜入寇令河南等布政司順天等府選集
民壯中間一家有選一丁二丁者有三丁四丁者
朝暮在官隨軍操練冬夏不息戶內田土乏人耕
值該納糧芻徵收如舊號寒啼饒有不能免^宜今春
夏之時各回生理秋冬之日團集練閱則民生得

濟而兵事集矣詔該部議行之詔造教場演武金鼓旗

庚寅山東右布政使裴綸言山東內地與邊徼異已有都御史洪英巡撫督同三司常操官軍保固城池兼今歲禾稼豐登派移復業正當靜以優恤不宜煩擾今內官唐廣未鎮茲土有司日逐供給未免動取民財以一科十且廣隨侍人不無詐冒名目生事侵渎請勅廷臣會議凡非邊境有巡撫官處俱命回京庶內臣無輕出之勞有司免供應之擾

帝曰往歲各處賊寇生發人民流散因令內臣鎮守得知事情緩急今綸擅欲取回主意安在爾都察院令其陳狀如飾詞不宥六科給事中上章謂鎮守巡撫內官外員俱受朝廷委托第恐其從人需索財物如綸所言者亦不可必其無也命巡按御史及按察司官廉有此等之人即執之具聞處置既而綸陳情服罪宥之復紫荆關功為事官左能為大寧都司帶俸署都指揮僉事仍舊守關命陣亡駙馬都尉井源弟濙為所鎮撫以濙援例乞恩也刑部尚書俞士悅等鞫錦衣衛校尉

劉信締結司禮監太監金英冒陞百戶常於午門外探各處事情輒報英罪當斬請下英于獄命法司依律斬信英姑宥之 鎮守寧夏太監朱福總兵官都督同知張泰互相訐奏聽讒害軍懷奸玩寇諸罪叅贊軍務僉都御史韓福阿徇不糾正俱降勅切責之令各改悔前非勉圖後善 先是宣府總兵官撫寧伯朱謙等報達賊五千餘騎拆邊牆入境已而察之乃即也先所遣使臣於是降敕責謙等曰為將之道貴乎遇敵能審今瓦剌使臣止三千五百人爾等乃以為犯邊又倍其數且其

未甚緩尚不能審衆寡以為奏報况大寇猝至豈能料其強弱而為戰守耶今姑宥爾繼今其務嚴督哨守審實馳報毋仍妄忽 順天府宛平縣縣丞向先奏宛平大興二縣軍民匠戶有奸詐之徒濫結近侍官褒校尉凡遇科差買辦挽其囑託務令准人、免執法不從者被其捏詞付行事校尉奏之法司雖知其枉又畏權勢依文加罪是以凡遇囑托不敢不從其弊不可勝言乞勅都察院禁約奏下刑部尚書俞士悅謂宜行錦衣禁約從之 辛卯命禮部尚書楊寧經筵侍班 陞萬全都指

揮使董斌為都督僉事提督獨石馬營等處邊城胡虜之入也各城俱失守至是兵部奏斌有功且閑邊務故陞之俾理其事調河南道監察御史謝琚為吉安府推官禮科給事中張聰為均州判官降河南道監察御史宋璫為安福縣典史俱以太監金英事琚應奏不奏聰代書訟稿璫奏事不實為法司所論也內外法司奉恤刑詔以應死者一百八十餘人相繼上疏請裁決俱宥死發戍邊衛

癸巳永興王志璞奏嘗選西安府長安縣故知府

李竒女配第二子鎮國將軍公邴咸寧縣民路真女配第三子鎮國將軍公鑣已成婚矣乞照例復二家差役從之封代府靈丘王遜烜第二子仕設第三子仕壘俱為鎮國將軍賜誥命冠服賞大同官軍張貴等九百人銀鈔綵段表裡有差以蒲州高山二處殺獲達賊功也命錦衣衛指揮僉事盧忠代呂貴捕賊以貴坐事也瓦剌也先部下達子脫帖木兒來歸貢馬命為所鎮撫南京錦衣衛帶俸賜冠帶房屋器皿等物工部尚書周忱以年七十乞致仕詔仍留總督糧儲不允

所請 戶部言北直隸八府并各衛所累訴連年
兵荒負欠糧草乞賜停免巡撫等官亦屢以為言
臣等議景泰元年兵荒處傳免餘仍徵納其正統
年間所負宜行巡按御史勘實已徵在官被人侵
用者仍追納餘果未徵及小民受逼虛報起解之
數悉與停免從之
甲午瓦剌太師也先遣人來朝貢馬駝四千四百
貽銀鼠皮五百賜宴及綵幣等物有差

乙未戶部言巡撫湖廣大理事卿蔡錫與按察司
副使邢端等訐奏諸不法事已命巡按御史劾之

錫本無安撫軍民方畧宜徵還京其巡撫事乞以
身侍郎王一寧兼理

帝曰湖廣賊情未寧軍餉為重一寧欠風力此事非
所能辦可俱召還別選官代之

丙申陞禮科給事于恭為本科左給事中李春
為右給事中以本科都給事中全達奏保也 陞
大理寺右少卿羅綺為刑部左侍郎刑部署郎中
事周瑄為右侍郎 夜有流星大如禪色青白有
光出文昌東北行至軒轅

丁酉給天城陽和守備官軍馬六百匹

戊戌少保兼兵部尚書于謙言醜虜雖云納款而
譎詐之情難測邊境雖頗告寧而窺覘之寇未絕
况虜使黠傲弗循禮度需索繁多莫有紀極和議
不足恃而邊備所當嚴戰守不可而儲蓄所當廣
古人安不忘危治不忘亂治亂安危係於有備無
備而已謹上邊務三事

一宣府為京師屏蔽大同乃西北要衝自邊方多
事以來所在官軍逃竄城郭空虛自今宜令法司
問擬克軍罪囚山西發大同沿邊各衛其餘悉發
宣府龍門獨石鵬鷄等處守備其楊洪領來官軍

三千亦令即還原衛所守備仍令各總兵鎮守等
官修設城墩臺溝塹以備不虞

一宣府大同各城軍民饑餓者多戶部奏准河南
運糧八萬山西運糧十萬接濟聞即今尚未起程
及彼處耕牛俱被搶掠耒耜何以為東作之資萬
一進移愈多必生變故乞令河南山西急運糧赴
大同備用仍設法或開中鹽或給剋帶或陞文武
官職或令罪囚納米贖罪如猶不足俟春和於五
軍神機等營撥軍四萬人一萬赴宣府各城備用
仍於蘇松等府折糧銀內措置或內府領銀四萬

兩委官運赴大同宣府每處二萬會同總兵等官
給與無牛軍民買牛耕作務沾實惠仍勅總兵等
內外官自今不得私地利役軍士多養牲蓄積子
粒致下人怨恣廢壞邊務違者真諸典刑
一紫剎倒馬關白羊口俱係控馬臨邊境險要所
在又附近可通人馬路徑甚多先因虜寇擾攘官
軍失守遂致京畿受害已遣官率兵修塞隘口開
掘溝塹頗已就緒近因虜人請和議者遂謂守備
官軍可以掣回又欲止令附近官軍守備然附近
各關止有真定保定二處官軍本處城池亦要守
遣幾何應存留幾何何者附近可留何者寫遠可
遣或有窒礙就令回奏

帝以所言皆邊備重事命該部悉議行之

已亥陞禮部右侍郎李實為都察院右都御史巡
撫湖廣地方陞錦衣衛帶俸指揮使馬顯為都
指揮僉事以出使瓦剌功也兵部言皇城各門
守衛官軍其間多有老弱殘疾之人今虜使未朝
國威所係宜令各衛自今務選精壯補彼不得仍

前因循違者聽風憲近侍及本部官劾奏執問從
之直隸鳳陽府奏中都留守司鳳陽等八衛
一所倉舊有南京御史并戶部主事或郎中一員
提督收放今倉已改屬本府又增置管糧通判一
員其戶部官宜革去惟令御史監督免致供費從
帝之詔言古置衛重軍命為備邊

大明英宗睿皇帝實錄卷之一百九十七

大明英宗睿皇帝實錄卷之一百九十八
廢帝邸戾王附錄第十六

景泰元年十一月辛丑朔

太上皇帝居南宮 欽天監進景泰二年大統曆

帝御奉天殿受之給賜親王及文武百官頒行天下
賞五軍神機等營撥守廣昌守禦千戶所官軍
布絹命開平等衛所官軍在三千營操備者本
色俸折支絹疋鈔貫如京例閏支 吏部奏禮科
都給事中金達言比者朝廷多事邊報不常內外
官員畏避差遣在任者或者親祭祖交章援例而

去在鄉者或養病丁憂經年託故不起又有應詔
舉至輒行乞歸者此皆懷奸避難之輩豈有臨難
死節之心乞行查究但赴部懷限悉謫邊遠叙用
庶奸計無所遂而忠義有所勸達所言良是請如
其言行之詔吏部悉記之俟其起復到京察其情
由以聞

壬寅賜朝鮮國景恭二年大統曆一百本命來使
李思純齎與之 鎮守浙江兵部左侍郎孫原貞
督兵進剿溫處叛寇適母聞喪鎮守浙江右副都
御史軒輓奏保留之請俟賊平奔喪從之 詔隆

慶等外衛所旗軍在三千等營操備者仍舊在京
關與行糧四斗原衛支月糧一石以存省京儲
戶科都給事中馬頭奏供給京師糧儲動以百萬
計其事至重比者總督其事惟都督僉事徐恭請
推選廉能幹濟在廷大臣一員協同僭運事下戶
部會官推選都察院右僉都御史王竑堪任其事
其把總都指揮等官私役運糧軍者許即具奏執
問從之 兵科都給事中葉盛等劾奏寧夏恭贊
軍務右僉都御史韓福坐視太監來福總兵官張
恭諸不法事比而不言及其既相詰奏始撫恭罪

以飾已過况福才不勝任宜別簡命大臣往代執
福鞫之并遣庶廉能監察御史按泰等罪狀回奏處
分庶使邊臣所知警懼

帝以嘗有勅切責泰等寘不問 夜有流星大如碗
色青白尾跡有光出昴宿東行至參宿三小星隨之
癸卯海西女直都指揮弗刺出等奏事回賜綵段
表裡衣服等物有差 戶部奏開平龍門懷來永
寧等衛所城堡比因虜寇虜邊城棄不守遺倉糧
九十萬餘石今懷來永寧已有官軍守之其餘城
堡未有處分請將昌平侯揚洪帶未官軍三千名

選忠義將臣一員統領分守命吏部將各該官攢
遣人押往宣府赴侍郎劉璉等斟酌發倉且閱倉
所有糧具數令掌管如果無糧難守城堡就将官
攢遣回吏部聽別用從之

甲辰賞建州等處殺賊有功官軍一百二十七人
都督曹義胡源副都御史李純銀十兩綵段二表
裡都指揮王祥等人銀五兩綵段一表裏指揮翟
賢等人銀一兩絹二疋千百戶等官人絹二疋布
二疋旗軍人等各絹二疋 達官所鎮撫伯顏脫
脫帖木兒頭目木忽刺來歸命于南京錦衣衛安

挿給賜銀鈔絲幣柴米牛羊房屋床榻器四如例
給五軍三千神機等營官軍人絹一疋計二十四
萬七千有奇 陞陝西都指揮馬讓為都督僉事
副總兵往寧夏協同總兵官督同知張恭鎮守
陞遼東都指揮使王祥為左軍都督僉事仍掌
都司事以擒敗達賊功也 鎮守浙江兵部左侍
郎孫原貞等督官軍擒斬處州賊徒陶得二等二
百四十餘人招撫三千六百餘人及獲被掠男女
事聞降勅獎諭仍令搜捕餘賊并勘實有功官軍
以聞 命故湖廣都指揮僉事高亮子璘襲為指

揮使 掌左府事昌平侯楊洪言臣氣質不踰於
中人擢用實超於庶職兼以訓練軍馬其事至重
掌理府事厥責匪輕必得才智強健之人始濟艱
危煩劇之任臣今老病侵尋氣力衰憊豈徒度縻
朝廷之廩祿實亦難逃士夫之清論伏望
聖恩憫臣犬馬之齒察臣螻蟻之誠容臣致仕以終
餘年不允 初錦衣衛指揮僉事呂貴因達賊侵
境陞署都指揮僉事出征及還貴恐調出失勢託
太監金英家人錦衣衛百戶金善以賂英得辭陞
職仍舊官又索營繕所官硃瓦等料萬餘以造私

室賂管海子內使葉景榮景榮以石及草與之事
覺下都察院論貴善景榮俱應斬英宜宥治詔斬
善降調貴於邊衛景榮送司禮監別用贓物俱追
入官執英赴都察院鞫之左都御史陳鎰等言英
縱家人倚勢多支官鹽累受賄賂陞指揮韓志為
署都指揮僉事陞內使汝任為長隨奉御陞都指
揮孫鐘為都督總兵陞校尉劉信為百戶工部尚
書石璞結王振得職英受璞賂以保其位又准貴
仍理錦衣衛事奸惡如此宜不拘常律處以極刑
籍沒其家

帝命固禁英執鐘璞志藺之論罪皆應斬命姑宥之
再犯不赦

乙巳賞貴州偏橋衛等處殺賊有功官軍一千七
百人都指揮李震等人銀十兩綵段二表裡指揮
人銀十兩綵段一表裡千戶土官人銀五兩綵段
一表裡百戶土官人銀五兩絹二疋旗軍頭目甲
兵土民人銀二兩布二疋 禮科都給事中金達
言二事一安民莫先於均徭役臣竊觀江西按察
司僉事夏時奏行均徭之法五年而正役之又五
年而雜役之此法至善一旦為叅政朱得懷忿搆

誣奏沮乞重將均徭之法舉行一灶夫煮海最為
勞苦自非近場素習之人不堪其役比者富戶因
避重役俱附遠場充為灶戶專一結構官吏那移
出納乞令巡鹽御史等官取勘革罷從之
丙午陞瓦剌使臣昂克為都督同知哈只阿力者
勅阿老丁三人俱為都督僉事以侍郎李實等還
言也先欲厚其升賞故也 真定大長公主薨公
主 仁宗皇帝第四女母賢妃李氏永樂十年生
洪熙元年冊封至是薨年三十八輟視朝二日遣
官致祭命有司營葬

丁未陞南京禮部主事章綸為禮部儀制司郎中
擢進士黃得溫為吏部考功司主事 陞山東按
察使張鵬為山東布政使以九年任滿故
也 戶部言直隸松江府運折糧官銀十萬餘兩
比因河凍自清河縣陸運赴京恐途中有盜賊請
令錦衣衛遣官領軍校馳往防護從之 命叅贊
宣府軍務戶部左侍郎劉璉等發龍門衛倉儲賑
濟宣府饑窘軍民以禮部右侍郎李實使瓦剌還
言宣府甚饑故也 福建備倭都指揮僉事王勝
奏沿海二十四衛備倭船歲久多損敵不堪修補

其舊有大舟皆四五百料滯重不便行使乞勅都
布二司量發工料改造以為邊、從之
戊申命都指揮使楊能充遊擊將軍與都督僉事
石彪各領精兵三千嚴督訓練以備調遣免寧
夏等衛所并平涼府開城等縣被賊虜掠軍民負
欠去年屯糧八千九百餘石馬草一千七百餘束
命宣府總兵官撫寧侯朱謙運獨石馬營雲川糧料
入赤城等城堡收貯禮科都給事中金達等言
守實民生休戚所係也近有府州縣官有罔體朝
廷愛民之心肆為剝削以其任所富饒或因官滿

當去或因告訐被報互相黨比甚令耆民遠詣布
按二司及巡按御史處告保稍有弗從輒委以繁
難差役上司止憑虛譽即與奏免其罪殊不知挾
制情由深為民患乞勅吏部但係保留陞官事非
奇絕俱不准理從公黜陟論斷仍乞勅都察院備
榜通給天下曉諭禁約以革其弊從之
都察院
劾都督僉事王英通錦衣衛指揮僉事呂貴侵盜
官草三千四百束入已請究其罪事在赦前宥之
已酉陞遼東左叅將都督僉事胡源為都督同知
都指揮使宋政為都督僉事都指揮僉事費鼎為

都指揮同知官軍三百餘人陞賞有差以擒達賊
功也詔發山西代州倉糧賑濟馬邑縣饑民

庚戌冬至節遣官祭長陵 敏陵 景陵

帝詣奉先殿

上聖皇太后宮行禮畢出御奉天殿受朝賀大宴文
武群臣及四夷朝使

上聖皇太后

皇太后 皇后俱免命婦朝賀

辛亥

太上皇帝萬壽聖節禮部請令群臣詣延安門行朝

賀禮

帝命免行 賞叅贊宣府軍務戶部左侍郎劉璉巡

按監察御史張昊絲幣二表裡以總兵官撫寧侯
朱謙奏其有守城功也 陞汪璽為南京錦衣衛

帶俸指揮僉事汪瑄為錦衣衛帶俸正千戶璽等
皆休戚也

壬子禮部奏

太上皇帝在虜營之時平章昂克等進馬人口宜給
賜紵絲表裡以酬其直從之 朝鮮國王李珣遣

陪臣鄭效全等奉表貢馬及方物賜宴并金_續龍衣

綵段絹布等物有差

癸丑襄垣王遜燁奏臣居邊塞無川廣藥材以療疾病望加給賜命太醫院如數與之吏部言故都察院右副都御史孫祥初以兵科給事中陞除前職守備紫荆關正統十四年十月初二日虜寇犯關都指揮韓青率兵出死戰之至夜虜乘勝陷城祥督兵巷戰兵潰遂被害時兵科給事中葉盛誤劾祥棄城逃遁踰月修關按察使曹泰令士卒覓得其屍於戰陣所有矢刃傷痕遂命焚而瘞之置不以聞祥弟祺白其寃令巡按御史覆覈得實

誠為可憫命如陣亡例賞銀五兩綵段二表裡

命麓川陣亡府軍後衛指揮同知馬成子駿為本衛

指揮使故濟川衛指揮同知福興弟玉燕山前衛

指揮同知王忠子昇虎賁左衛指揮僉事席貴子

政府軍前衛指揮僉事田恕子福南京羽林左衛

指揮僉事畢榮子綱俱罷職陣傷燕山前衛指揮

使彭俊子晟府軍前衛指揮同知吳宣子鐸老疾

金吾右衛指揮使田寬子旺燕山右衛指揮同知

魯興子剛騰曠左衛指揮同知袁海子春金吾左

衛指揮同知趙榮子能指揮僉事魯鎖住子旺府

軍左衛指揮僉事耿成子林俱代職
甲寅瓦剌也先使臣昂克等還命賫勅及綵段絹
疋歸賜也先并妻及頭目人等敕曰爾瓦剌都總
兵答剌罕太師淮王大頭目中書右丞相也先遣
來使到京進貢馬匹銀器鼠皮并覽奏文具悉太
師敬順 天道尊事朝廷保守兩國
祖宗以來并今重新和好之意然思保全和好之道
在於各安其分各循其道勿聽下人煽惑之言若
聽下人之言則利歸於下怨歸於上勿因小事而
壞大事若因小而壞大則求利不得而害即至此

理甚明太師所必曉也朕與先

太上皇帝骨肉至親無有彼此毋勞太師掛念所貢
馬匹鼠皮俱照舊例頒與賞賜并所奏求物件討
回人口等項悉付來使領去所言假金三星此是
下人作弊以生金作熟金已行痛治其罪并諭太
師知 陞雲南署都指揮僉事沐璘為都督同知
佩征南將軍印充總兵官鎮守雲南署都指揮使
胡誌為署都督僉事充左叅將協同鎮守時黔國
公沐斌既卒兵部以鎮守缺官請故也

乙卯賜太子太傅兼禮部尚書胡濙太子太保兼

吏部尚書王直太子太保兼戶部尚書金濂誥命
并封贈其曾祖父母祖父母父母妻賜戶部尚書
兼學士陳循工部尚書兼學士高穀刑部尚書俞
士悅工部尚書石璞左都御史陳鎰王文楊善吏
部左侍郎何文淵右侍郎俞山戶部右侍郎兼學
士江淵兵部左侍郎俞綱右侍郎項文曜通政使
李錫誥命并封贈其祖父母父母妻賜光祿寺卿
齊整誥命封贈其父母妻皆特恩也 陞浙江台
州府知府周旭鑑為本布政司右叅政仍掌本府
事時巡按御史程昊奏旭鑑持身廉謹施政有方

賊不入境民賴以安乞量陞方面以為牧守庶能
者勸故有是命 陞大同右叅將都督僉事許貴
為都督同知右少監常力轉為左少監都指揮僉
事周廣為後軍都督僉事官軍二千餘人陞賞有
差以殺獲達賊功也 海西益實等衛女直都督
木當加等奏事回賜綵幣衣服等物有差 命故
萬全都指揮僉事韓忠子晟為指揮使 建州衛
女直米合耒歸命為廣寧帶管頭目給俸廩房舍
器四 山西右叅政厚先因巡撫右副都御史朱
鑑遣厚往代州理邊儲厚詐報鑑以虜欲^攻太原

鎭遂留厚不遣兵部劾厚避難建治之既而遇赦
當罷為民厚陳情乞冠帶致仕從之 吏部言陝
西右叅議趙忠刑科給事中祝灝俱起復違限請
究其由命刑部鞫之 給修守小龍門及隆慶衛
官衣鞋六千七百件有奇 修直隸太倉衛吳松
江等處旱寨城垣 夜有流星大如碗青白色光
明燭地出平星東行至庫樓

丙辰兩浙都轉運鹽使司吳方大奏巡鹽御史林
廷舉受本司同知鄭崇白金一百兩令崇往來監
掣商鹽圖利事下法司請行鎮守都御史等官廉

其實以聞從之 大同叅將右都督方善奏山西
行都司都指揮田春屢遣人假以催公務而恣肆
科擾阻壞邊務苦害邊軍事下刑部尚書俞士悅
請行巡按御史廉其實以聞從之 夜月犯五諸
侯星

丁巳賜靖遠伯王驥子孫世襲誥券從驥奏請也
賜朝鮮國王李珣及妃權氏誥命并封其嫡長
子弘晞為世子 定納糧冠帶則例大同二百五
十石山西四百石 免隆慶保安二州明年戶口
食鹽糧鈔以免被達賊虜掠也 置四川重慶府

涪州僧正司 夜月犯鬼宿

戊午陞太醫院院判蔣主善為院使 給神賞機
官軍巡邊者絹一疋布一疋麥二斗 賞遼東易
州殺賊有功官指揮使陳璽等三百六十二人銀
絹紗布有差

己未陞山東按察司副使張靖為本司按察使
寧夏左叅將都督僉事丁信奏達賊千餘騎猝至
西門縱兵殺掠調遣官軍與戰移時斬賊一人中
神銃墮馬者甚衆皆曳之而去獲馬十七匹并盔
甲器械官軍死傷者七十餘人掠去男婦二百五

十餘馬牛一千有奇兵部劾奏信瞭備不嚴致賊
突入總兵官都督同知張恭等不調兵策應命巡
按監察御史俱責死罪狀令領軍剿賊再誤不宥
辛酉調直隸永平衛帶俸都指揮僉事瞿賢於遼
東都司福建延平衛帶俸都指揮僉事曹敬於福
建行都司 昏刻金星化壘壁陣西第四星
壬戌廣東雷州府奏遂溪縣逼近猺賊數被侵擾
原無城池恐難保守乞勅布政司量發附近府縣
人夫築浚從之

癸亥擢行人郎勝朱驥張紳知縣揚貢學正王驥

教諭張維訓導談泰周哲李叔義監生張琛孔鑰
戈立余泰為南京監察御史俱以大臣舉送都察
院理刑考稱也 賞開平等衛所官軍每人銀一
兩 夜月犯房宿

甲子實授署都督僉事石彪為都督僉事其部官
軍二百七十餘人陞秩有差以截殺達賊功也
巡按山西監察御史徐謙奏太原府州縣昔被寇
擾今值歲饑民窘已甚而易州柴炭夫役又且催
逼乞暫優免從之 戶部奏蘓州所進折糧銀兩
議將五萬兩運至山西代州令左副都御史羅通

等遣馬軍送至大同交與左都御史沈固收糶糧
料備用從之 命懷來永寧官軍馬料今年十二
月為始於居庸關倉支 夜有流星大如雞蛋色
赤尾有光出井宿東北行至游氣四小星隨之
乙丑陞鎮守遼東左副都御史李純從二品俸以
其有殺賊功也 陞隆慶左衛指揮同知向賢為
都指揮僉事以其父通死於戰陣也 賞蔚州衛
神峪口等處殺賊有功官軍二十三人 都指揮董
斌銀五兩綵段一表裡指揮各銀二兩絹一疋千
百戶各銀一兩絹一疋旗軍各銀一兩布一疋

丙寅陞戶部郎中謝祐為廣東布政司右叅政知
府常景先為廣西右叅政給事中豐慶為河南右
叅議僉事方勉為湖廣右叅議知州劉整為山東
右叅議監察御史丁瑄為廣東按察司副使僉事
朱良暹為江西副使王亮為山東副使郎中王矩
為江西袁州府知府陞河南府同知呂達為本
府知府達在任將滿通知府員缺屬縣官民相率
奏請達正直公平為政得體乞陞補知府以慰民
望下巡撫等官覆覈得實故有是命賞在京并
南京錦衣等衛所征南有功官軍銀絹有差賞

孟養金沙江等處殺賊有功官右少卿龔永吉銀
十兩綵段一表裡郎中杜崇銀五兩綵段一表裡
主事段寔銀五兩絹二疋詔山西平陽府所屬
州縣各遷預備倉入城以防賊寇湖廣按察司
僉事程志學奏近者寶慶永州衡州等府每有苗
寇竊發今見知府州縣等官徐瑛等起程朝覲愈
肆劫掠人民驚遁乞令各官疾馳回任從之提
督獨石等處操守都督僉事董斌言二事一臣所
督獨石馬營雲州鵬鷄赤城龍門李家莊長安嶺
等處官軍有在懷來永寧暫寓者有在宣府等處

差操者又有畏懼守備覲於腹裡衛所居住者乞
無分弱強悉聽臣鈐束各還原處以實孤城一兵
貴有智謀貴先定若不預選將領軍士何所統屬
乞於萬全都指揮內選委數員分守各城訓練官
軍有警聽臣調遣事下兵部覆奏悉從所請 設
廣東高州府信宜縣存積倉化州石城縣永豐倉
俱置大使副使各一員

丁卯遣武安侯鄭宏定西侯蔣琬駙馬都尉焦敬
為正使給事中谷茂曹凱王讓為副使持節冊封
代王嫡長子成鍊為代世子次子成鑄為安安王

韓靖王庶長子徵針為韓王趙王第五子祁錕為
洛川王都指揮同知姚貴女為代世子妃都指揮
僉事王欽女為安定王妃北城兵馬副指揮高國
女為廣靈王妃西城兵馬副指揮李釗女為通渭
王妃 工部尚書周忱以年老乞致仕命仍巡撫
蘓松等處 以征進貴州軍餉不敷命湖廣改撥
原定南京糧一十萬石四川添撥糧一十萬石雲南
附近添撥糧一萬石運赴應用仍將雲南黑白四
川仙泉等井鹽課十三萬餘引召商於貴州左城
及普安衛內納糧米并差官馳驛往江西摘撥折

糧銀五萬兩運赴糴買糧儲楚府鎮國將軍均
鈺卒遣官致祭命有司營葬

戊辰賞敢勇營并紫荆關修守回還官軍米麵從
安遠侯柳溥奏也賞遼東沿邊墩臺等處有功

官軍指揮張勝等二十四人銀絹布有差諭虜使

悉還所虜人口給綵幣表裡賞之免河南彰德

府去年秋糧七千八百餘石馬草九千六百餘束

以旱灾故也降右軍都督僉事陳友為都指揮

使協守同備倒馬關友奉命提督牧馬官軍於東

安等縣官軍有芻牧不謹致馬瘦弱者友納其賄

不以聞事覺下刑部獄坐以受財枉法贖絞故有是命

已巳勅工部尚書兼大理寺卿石璞曰今者虜雖

遣使講和朝貢如舊然彼重兵尚不遠去事難料

度大同一帶最為重地特命爾同內官武良往彼會

同山西各處總兵鎮守巡撫內外官員并巡按三

司官公同計議長策糧米從何所出搬運用何軍

夫悉從爾等便宜處置或擺堡或長運咨詢上下

人情從其可行之道務在大同各衛并各屯堡糧

儲充足軍民不至勞擾激變庶副朕之委託先將計

議可行之法明白具奏毋得怠稽遲得夜有流星大如

雞蛋色赤有光出北極帝星北行至近濁
庚午瓦剌脫脫不花遣使臣苦禿不花等來朝貢馬
賜宴并綵段織金龍衣靴襪氈帽等物有差 山西
應渾等州大同等縣人民被賊驚散饑餓失所事聞
命於附近有糧倉給糧賑濟之 廣東總兵官都督僉事
田真奏都指揮同知姚麟先以失機被劾詔令捕賊俟
寧息以聞今賊已獲地方稍寧請治麟罪事下都察
院請執麟械京照福建失機官例降調詔宥之
唐府上蔡郡主薨遣官致祭命有司營葬
大明英宗睿皇帝實錄卷之一百九十八

大明英宗睿皇帝實錄

廢帝邸戾王附錄第十七

景泰元年十二月辛未朔

太上皇帝居南宮

帝省郊祀牲 陞陝西都指揮僉事后能為都指揮
同知以殺獲番賊功也 詔停徵四川所屬明年
戶口鹽鈔 少保兼兵部尚書于謙言報效有功
文職官吏已送吏部陞秩今胡虜雖和其詐莫測
正用人之際况各人皆訓練有成曾經戰陣又以
軍功受賞難令理化事宜仍送各營練習聽用俟

邊務寧靖再為區處從之

壬申

復除江西按察司僉事高旭調湖廣僉事韓揚於江西四川僉事王麟於山東先是旭等以提調學校裁革至是有缺故調補之 以大同墳嶺墩二次殺寇功賞千百戶旗軍張讓等銀絹布有差從右叅將都督僉事許貴請也 給事中程信等奏昨日臣等於長安左門外見瓦剌朝貢回還使臣有在玉河橋東西街搶奪往來人馬者有被趕逐跌傷者有被毆幾死者又有騎馬欲直入長安左

門被守衛官軍攔阻住者臣等觀其在輦轂之下尚敢恣肆搶奪則其包藏不庭之心昭然可見乞勅該部令通事戒諭及勅兵部并總兵等官嚴加操練軍馬以備不虞從之 苗賊劫掠湖廣安化湘鄉二縣

命都督軍務右都御史王來總兵官保定伯梁瑤及都布按三司調兵剿捕

甲戌

都給事中林聰等奏昨戶部署員外郎黃琛往究蘓松等處侵欺錢糧言犯者無名數難以執問戶

部尚書金鑣等奏欲下巡按御史查勘都察院左都御史陳鑑等奏欲仍令琛戴罪往追徵之臣等以為都御史執法之司戶部錢穀之任今互相推托如此宜究問詔戶部都察院各差能幹官一員探往查究之應追徵者即追徵分豁者即分豁侵欺者具聞處置 修平津閘 築順天府良鄉縣城 徙湖廣祁陽縣城於縣治之東以備水患從右都御史李實奏也

乙亥

少保兼兵部尚書于謙奏以者侍郎趙榮使瓦剌

還道遇也先使臣昂克等言今歲交易不滿所欲又疑朝廷欲加害心甚忿忿榮又聞脫脫不花王欲整人馬征女直野人臣慮虜情譎詐禍心難測聞其順服不足喜怒愠不足懼蓋中國之馭夷狄不論彼之強弱顧我備之有無其欲征女直之言或欲為侵犯遼東之計宜勅大同宣府永平山海遼東諸處總兵等官嚴戒邊備令在京各營總兵等官同心戮力練士馬獎忠義恤饑寒倡勇敢將卒一心以備不虞毋事因情循有妨大計從之

丙子

荆王瞻埒等以

太上皇帝回鑿奏欲詣京朝賀俱復書止之 賞瓦
刺公幹回還通事白暹醫士魯輝羅顯祖各銀十
兩紵絲衣一襲

丁丑

陞四川眉州彭山縣知縣黎景為嘉定州知州時
知州員缺巡撫等官會保景動謹慈祥素有善政
民皆愛戴乞陞補之故有是命 免河間瀋陽大
同三衛所并河間府去年旱災無徵秋糧共三萬
一千餘石戶口益糧一萬七百餘石鈔四萬三千

餘貫穀草三十七萬餘束

戊寅

命給事中何陞監察御史柳春同左少監彭以得提
督運糧于宣府勅之曰宣府糧少今遣在京操備
官軍五萬人并在京內外官員軍民人等有驢騾
牛車之家借其車於京倉支糧運赴宣府各城官
軍每人運糧一石賞布一疋驢騾車運糧一十二
石賞布三疋牛車運糧七石賞布二疋每糧一石
加耗糧四升特

命爾等提督備運除令居庸關并宣府懷來鎮守總

命兵等官差撥官軍沿途接連哨瞭防護外爾等務
須公同計議行有紀律毋致踈虞爭競毋致過期
虧折及戒頭目人等不許科需勞擾納畢即放回
人車收糧者不許刁蹬留難如違俱聽爾等糾治
爾等其公勤率_下庶副委任之重 陞大同中丞
衛指揮使蕭文為署都指揮僉事於五軍營督操
以戶部尚書金濂薦其材勇過人故也 賞在京
操練并各關守備官軍每人濶白綿布二疋
命順天河間二府委官覆實所屬州縣軍民被賊驚
擾糧草無徵即與豁除之

命四川叅將署都督僉事劉深為實授都督僉事陞
都指揮使徐海為右軍都督僉事署都指揮僉事
陳貴李銘俱為都指揮同知官軍一千四百餘人
陞賞有差以西煙寨等處殺賊功也 山東平山
衛軍 妻奏鎮守都指揮單廣欲侵占其夫田
宅不能得遂令人扳指為盜屈陷致死事下法司
請行山東按察司廉其實以從之 軍 王 封 聖 奉
乙卯 賜迤北瓦剌脫脫不花王使臣苦禿不花等二百
五人宴于禮部 先是工部尚書兼大理寺卿石

璞奏留山東西河南府州縣朝覲官吏備運大同
邊儲至是戶部奏前項府州縣官吏備運軍糧事
完令如例朝覲以稽其錢糧從之 代王仕壘奏
大同係西北絕塞自胡虜犯順官軍屢戰失利精
兵健馬喪亡殆盡及廣寧伯劉安未鎮逾月還京
繼得都督郭登充總兵官時城中兵不滿千馬纔
百匹虜衆不時圍城令于四門外造木柵近城設
陷窸伏兵守瞭募勇敢親督訓練數月士氣振作
今年閏正月聞虜屯沙窩登率兵千人乘夜直趨
賊巢擒斬二十餘人大破賊衆而還所獲牛羊悉

以給主而烹其餘以勞有功官軍四月虜衆萬騎
自東北來攻登令開東土城誘之入舉號放柵率
兵出戰擒斬十五人賊敗去又于南門外修戰場
周圍為陷溝七百餘丈六月虜騎數千復自西南
突至戰場登率兵出擊自晨至暮戰數十合賊中
箭砲死傷擒斬五人又置毒于酒具羊豕肉香紙
偽若祭塚者見賊佯走賊爭食飲死者尤衆又於
四土城門置陷窸濶三文深半之起浮橋傍穴先
是軍民出城樵採每為虜所得登造偏廂車四百
輛以為營衛軍民便之有自虜中還者言也先初

意欲取大同以為窠穴故數未攻後每至輒敗有一營數十人死不還者虜衆相謂大同新總兵有智畧自今不可與爭未幾虜果遣使求和奉

太上皇還京即今大同已寧軍民尚艱食登律已治

人善撫綏慰愈

喻

以逸制勞以少勝衆雖古名將何

以過之臣忝藩維每念孤城危困宗室保安惟登

是賴凡其克捷皆諸郡王目擊故得其詳登雖已

荷封爵而其奇謀秘策人未必知乞以臣言降勅

褒諭使登感恩思報益知勉於將來奏下兵部議

登雖有功

已

進伯爵王所請無例不可從遂止

給三千營馬軍五百一十餘匹

賞騰驤右衛前

千戶所軍餘劉潑兒鈔一千貫初潑兒被虜也先

送侍

太上皇帝至是駕回潑兒以原收御衣白絹衫自陳

故

命賞之同置陝西西安府高縣道會司直有報効民

壯偽造兵部職方司印詐傳詔旨賈放民壯及自

剋帶還原籍詔押赴報効營斬之梟首營門

庚辰

詔軍衛有司具報京畿殷實之家令各運官倉糧

甲申

瓦刺使臣苦禿不花等進馬三百二十九匹御馬

監驗係下等二匹下下三百二十七匹

命悉照下等例每匹給賞紵絲一匹絹八疋折絹一

疋迤北瓦刺使臣兀馬兒奏脫脫不花王子寄

馬二匹進

太上皇帝

命收入御馬監給賞如例 朵顏衛頭目兀馬孩等

遣達子兀孫帖木兒等二十二入泰寧衛頭目打

台等遣達子土木歹等十人俱來賀明年正旦并

送回也先擄去男子二人各賞綵段一表裏

太常寺奏工部送到

長陵

獻陵

景陵祭器硃紅漆餞金一千九十事素紅漆三百八

命十三事二硃紅漆一百二十三事金漆九事硃紅

油二百五事礬紅油四十四事明油一百九十二

事銅三百六十事生銅九十事熟鉄五十四事錫

二十七事象牙一百八事雜物四百七十七事皆

前此虜寇所焚毀今始補完者也詔送

三陵供用免四川筠連等縣永寧宣撫等司因今年無徵稅糧失採茶課叙南衛并浙江金鄉衛無徵子粒以其俱被賊劫擾鷺散也給萬全都司官軍馬一千匹命有司建進區三萬四千八百有奇命乙酉器給金一千十事素給金三百八十賜襄垣王長子仕壻妃管氏冠服等物真定大長公主男王英奏臣父誼卒已葬香山今臣母薨蒙擇地安葬緣臣母臨終遺言令遷柩合葬從之給事中全達等劾奏淮府長史王彰謬以有疾

男書及受有過民人劉皇賂選為儀賓事覺遇赦復職不行改正

命法司究問之迤北使臣哈三劉五兒察乞兒未歸命俱為頭目隸南京錦衣衛給房舍米

夜月食

丙戌

以陝西岷州衛殺敗賊番功賞千戶王銘鈔三百貫絹二疋楊和高山等衛軍餘一百六十六名各捨土木遺棄神鎗未進賞鈔有差以大同各城軍民乏食

命仍原職帶俸南京錦衣衛給房舍如例巡按浙
江監察御史黃瑛言三事

一浙江麗水瑞安縣俱僻在萬山民不識官府員
固為今非招撫稍靖慮難革其頑心請于麗水縣
鮑村瑞安縣羅洋地方添設縣治巡司及千戶所
衙門一為林邑山來集數年山中新造寺觀
宋高宗賜衍聖公孔玠衢州田五頃以奉先聖廟祀
子孫世守其業至洪武間有希達冒姓附籍因得
罪沒前田入官散佃民間陞科納糧請撥前田復
賜孔聖子孫

一各布政司田土自洪武初差監生分區丈量造
魚鱗圖本府州縣里各存一本今世遠無存明年
例該重造黃冊請仍舉洪武丈量圖本之法庶田
糧得清小民不困事下戶部覆奏設沒田地起科
納糧已定不必更改添設衙門并丈量田土
命鎮守副都御史軒輓會官體勘以聞刻火星
犯壘壁陣西五星水星與木星同度

庚寅

遣寧陽侯陳懋告于

長陵

獻陵

景陵曰曩因虜賊干犯山陵茲以修復靈座一新卜
以今日鋪設謹用祭告 陞監察御史陳負韜為
廣東布政司左叅政蔡愈濟為山西按察司僉事
命湖州府知府姚政為兩浙都轉運鹽使司運使
賞使瓦剌正使工部右侍郎趙榮銀二十兩副使
指揮使石忠銀十五兩織金紵絲衣各一襲隨去
官軍人等人銀十兩素紵絲衣一襲 以寧夏中
衛左千戶所總旗龔道富父子擒獲達賊賞銀三
兩布二疋 撒馬兒罕地高進貢回回哈三土魯

番進貢回回察乞兒并涼州回回沙即班等未歸
命為頭目送南京錦衣衛安插給馬鈔布紵絲衣
靴鞮牛羊柴米房屋林榻等物 給宣府等處屯
軍牛六百頭時遣官於山東河南買牛未至恐妨
春作故也

辛卯

朝鮮國王李珣遣陪臣李純之進種馬五十四匹賜宴
如例 禮部奏脫脫不花王男也先猛可的正使
苦禿等告要遊看寺宇副使兀馬兒要阜城門外
祭墓并求硃紅插金馬鞍座及減金鞍鐙皆從之

總兵官保定伯梁瑤等奏十月二十九日官軍
分四路進攻苗賊賊聚眾迎敵官軍奮擊之賊棄
兵奔潰生擒四百八十餘人斬首七千餘級破四
百八十餘寨獲船七百五十餘艘及被掠男婦一
千七百有奇

帝降勅褒諭仍命其乘勢殲厥餘黨毋恃勝自驕以
顯前金功副總兵都督方瑛等亦奏今年四月以來
屢破賊寨擒斬甚眾及撫安餘寇命務生理亦降
勅褒之臣等聞此
壬辰臣等聞此

陞工部右侍郎趙崇為左侍郎羽林前衛帶俸指
揮使石忠為都指揮僉事以使瓦剌功也臣等聞此鎮守
易州右僉都御史曹恭言臣父老病日增長兄近
亡無人侍養况臣筋力已衰心志俱喪忠既莫效
孝亦有虧今虜寇悔過邊境清寧伏乞矜憐別選
賢能代臣罷臣歸田俾得少紓孝忱不允臣等聞此兵部
劾奏寧夏左叅將都督僉事丁信指揮僉事李進
等遇虜賊入掠不能追剿俱宜建治詔責死罪宥
之再犯不宥臣等聞此陞賞遼東官軍四千餘人有差以
殺獲達賊功也及陣亡也總兵官武清侯石亨言

五軍等營把總官一營有至十數員者徃徃互相推托不肯盡心訓練亦有幼弱無能者營求把總以圖占役軍士乞令內外官同臣等從公將各營把總頭目一一選其方馬便捷年力壯健智勇優長過萬人者令統萬人過千人者令統千人每營置坐營都督一員管騎隊管步隊都指揮各三員如無都指揮方于指揮中推選其有貪酷幼懦不閑騎射者黜之庶幾大小相承綱領不紊又言各營騎步官軍強弱混淆遇警弱者怯走勇者難支乞選齊力驍勇長于騎射者為上等人加月米馬增

芻豆每一萬為一營令驍勇都督統領臣親督訓練隨宜處置不拘故常務使將兵相識上下一心親管官旗不得私占臨敵之際將必身先士卒指示方畧如有畏怯退縮阻惑衆心者梟首以徇庶幾改令嚴明戰無不克疏入詔兵部集各營總兵官議而行之命官議而行之
癸巳
勅鎮守陝西左副都御史劉廣衡曰偏頭關守備官軍急缺糧儲陝西延安府綏德州等倉見在糧米數多爾即督同布按二司堂上能幹官馳徃延

安府量起人夫於綏德州倉領米二萬石起今河
凍自高家堡一帶運至府谷縣過河赴保得倉交
收接濟偏頭關守備官軍支給不計稽誤如違責
有所歸爾其欽承毋忽

命巡撫大同宣府僉都御史任寧等查追大同并山
西各州縣失戶負官庫銀貨者并巡按陝西監察
御史陸厚燾守備慶陽等處都督僉事王斌奪人
地基已充叅將在貴州都察院請行貴州總兵官
督斌擒賊贖罪不在陞賞之列如無功俟其回京
治罪從之

甲午
以大同寺兒山并沙窩棧榜山等處殺敗達賊功
賞奮勇當先衝入賊陣官軍人等六百七十三名
把總領軍都指揮各銀十兩指揮各銀三兩俱練
段一表裏千百戶等官各銀二兩絹二疋旗軍人
等各銀三兩絹三疋策應官軍六百一員名指揮
各銀二兩千百戶等官各銀一兩絹一疋旗軍人
等各銀一兩布一疋陣亡者加一倍被傷者加半
巡按貴州監察御史黃錫等奏貴州各屬衛府儒
學多被苗賊攻劫見在師徒救死不贍乞將教官

起送赴部別用候邊事寧息復設從之以大同
宣府米日湧貴禁上糧陞官人等不許于二處糶
買谷日生背氣一道又生交暈日下生背氣及右
旁生戰氣俱鮮明帝官各舉一兩餘一五餘軍入
乙未舉三兩餘三五餘官軍六百一員以部
立春順天府官進春實各舉二兩餘三五餘軍人
帝御奉天殿受之賜文武百官宴軒各舉三兩餘
命故前軍署都督僉事李全子琦襲都指揮使三
丙申同禮部尚書胡濙奏以明年正旦節在京文武群臣

至日早行慶賀禮畢俱赴延安門朝賀
太上皇帝行五拜三叩頭禮詔免行 勅提督獨石
馬營等處都督僉事董斌曰得奏瞭見境外東苗
兒塔等處烟火引兵還宣府操備虜寇出沒爾正
宜出兵截殺乃自引還論罪不可容姑從寬宥其
所領兵速被原處守備如遇賊衆我寡飛報宣府
調兵策應不得仍前退縮備
丁酉同山西絳州奏本州柴炭夫九十八人每人本里追
布三十疋通布二千九百四十疋以供運費除三

十人樵採看守六十八人專運一人三月柴炭九
百斤共六萬一千二百斤往還經七八月始完既
妨農商且多路費請以夫布令各夫齊於附境收
買輸納從之工部奏近聞通州抵徐州運河一
帶皆淤塞不通不預疏濬恐妨漕運徐州等處請
勅僉都御史王竑通州等處宜遣在京大臣一員
提督疏濬詔不必遣大臣其令都察院擇御史庶
能者一人往理之

大戊戌帝曰五月三日
瓦剌使臣哈失哈里先送

太上皇帝回鑾已陞副千戶及是來歸命送南京錦
衣衛帶俸安置照例給鈔布紵絲衣靴襪牛羊柴
米房屋牀榻等物提督遼東軍務左都御史王
翱以故遼東都指揮同知李弼子宗襲為定遼後
衛指揮使都指揮僉事吳凱子謹襲為義州衛指
揮使鄧英子左釵為定遼前衛指揮使署都指揮
僉事崔源子勝襲為定遼右衛指揮使劉清子璿
襲為義州衛指揮同知老疾都指揮僉事楚永子
鳳代為義州衛指揮僉事遵所奉勅旨也

巴亥

陞光祿寺寺丞陳誠為本寺少卿以署官厨民合
詞奏保也陞陝西都指揮僉事費銘為署都指
揮使掌司事時都司缺官與安侯徐亨等薦銘公
動廩幹善撫士卒乞陞用之故有是命
命給錦衣衛帶俸指揮使杭昱指揮僉事唐興世襲
誥命昱等偵外戚也運銀二萬兩於山西布政
司給所屬貧民糴買種子貴州布政司等衙門
奏平越衛清平都勻三衛實苗賊出沒之地軍士
守備用糧數多乞將明年淮浙雲南四川鹽召商
於貴州在城并三衛倉納米事下戶部覆奏雲南

四川鹽俱已中盡止有淮鹽二十萬引浙鹽一千
萬引宜相兼定擬則例不分四品以上官員之家
俱聽於所擬衛倉納米不次關支從之

庚子歲暮

帝享

太廟一以明日正旦遣官祭

長陵

獻陵

景陵遣太常寺官祭五祀之神遣旗手衛官祭
旗纛之神是歲天下戶口戶九百五十八萬八

千二百三十四口五千三百四十萬三千九百五
十四田地四百二十五萬六千三百三頃一十畝
田賦米麥二千二百七十二萬三百六十石有奇
絲六萬四千二百七十二斤綿一十八萬五千六
百一十二斤絹一十八萬九千一百二十三疋布
一十三萬八百一十九疋綿花二十四萬五千一
百一十斤折色鈔一十七萬七千九百二十五錠
有奇雜課鈔九百四萬一千二百五十三錠有奇
米麥七萬九千六百六十九石鉄七萬四千五百
八十三斤布一千八百七疋鹽課鹽二百六十九

萬五千九百六十八引折色鈔一千四百二十七
萬四千九百六十八錠有奇米四十二萬二千八
十三石布七百六十六疋茶課茶五十五萬八百
九十五斤折色鈔一十八萬九千四百七十四貫
屯田子粒二百六十六萬六千七百七十三石有奇採
納水銀二百四十七斤十四兩硃砂一百七斤十
一兩漕運京師米豆四百三萬五千石各處運納
糧米九十二萬八千三百五十五石減免天下官田
等項稅糧計米麥一百一十五萬九千六百五十
石有奇

卷之四